

SUMMO ARCHIATRO BENEDICENTE!

DISPUTATIO INAUGURALIS
MEDICA

DE

ANGINA,

Quam

Autoritate & Suffragio

MAGNIFICI SENATUS ASCLEPIADEI
in illustri Academia JENENSI,

P R Æ S I D E

DECANO FACULTATIS SPECTATISSIMO,

DN. RUDOLPHO WILHELMO

Brauß /

Phil. ac Med. Doct. Practicæ & Chymicæ

Profess. Publ. Ordinario, ac Seniore gravissimo,

necnon S. R. I. Academ. Naturæ Curiosorum

Collega primario,

Domino Patrono & Præceptore suo colendissimo,

PRO LICENTIA

DOCTORIS MEDICI Honores, Privilegia & Insignia
solenniter more Majorum obtinendi,

publico examini subjiciet

SIMON ANDREAS BECKERUS,

Hallensis Saxo.

In Auditorio Majori

ad d. XVI. Martii horis pro- & pomerid. A. O. R. M DC LXXVIII.

J E N A,

Typis SAMUELIS KREBSII.

REVERENDISSIMO. SERENISSIMO.
CELSISSIMO *QUE*.

PRINCIPI. AC. DOMINO.

DN. AUGUSTO.

ARCHIEPISCOPATUS. MAG-
DEBURGENSIS. POSTULATO.
ADMINISTRATORI.

PRIMATI. GERMANIÆ.
DUCI. SAXONIÆ. JULIACI. CLIVIÆ. ET. MONTIUM
LANDGRAVIO. THURINGIÆ.
MARCHIONI. MISNIÆ. AC. SUPERIORIS. INFE-
RIORISQUE. LUSATIÆ.
COMITI. DE. MARCA. RAVENSBURG. ET. BARBY
DYNASTÆ. IN. RAVENSTEIN.

PATRI. PATRIÆ. AUGUSTISSIMO.

PRINCIPI.

PIO. IUSTO. PACIFICO.

DOMINO. SUO. CLEMENTIS-
SIMO.

HOC. INAUGURALE. SPECIMEN.
SACRUM. ESSE. JUBET.

REVERENDISSIMÆ. ET. SERENISSIMÆ
EJUSDEM. CELSITUDINIS.

SUBJECTISSIMUS.

SIMON. ANDREAS. BECKERUS.
HALL. SAXO.

Acclamations Votivæ

Patronorum quorundam & Fautorum in Patria.

Dulce laboris onus, sequitur quod dulce brabeum,
Gratulor hanc Laurum, Laurus honorque favent.

Nobil. & Clarissim. Dn. Candidat.

scribeb. Hall. Saxon.

In tesseram Amicitiae & infucati amoris

Johannes Sieboldt / M. D.

Archiatr Saxo Magdeburg. Physic. Provincial.

Gymnas. August. P. & Alumnor. Ducal.

Academ. Inspector.

ANGINA, pestis illa, faucium prensos
angens meatus, spiritumque precludens
properè ruentem, cernitur satis dira,
tuo libello pernicis mali causas
hic eruente; nec tamen potestate
vagatur illa liberâ, salutisq;
medicamen ipse Tu simul bonum tradis
BECKERE, felix Candidate, surgenti
animæ recludens in viam viam. Fallor?
an sic recludis maximum tibi campum
tuæq; fama, quò meet? mees gressu
graduq; felix, patriæq; post prosis!

gratulabundus scrib.

Christophorus Senaut / D.

Hallensium Physicus Ord.

Seneca in Epistol.

peregrinatio non facit Medicum, non Oratorem, nulla ars loco discitur.

Orbis urbes angulosque, patriaque disritos
permeare rite certè possumus latè locos,

Sole

Sole possumus remoto maximè calefcere,
lege vulgi si relictâ commodè calefcimus.

Ille verò vanus ausus, ille turpis ausus est,
qvo putamus sat fecisse, pulchra si percurrimus
urbium locata tecta, siqve muros cernimus;
qvo videre, qvo referre perstudemus unicè,
quid coloris, quid favoris, quid nitoris præbeant
turba, terra, turris, ora, quidvè consvetudinis;
interim parum tenentes, sparta nostra quæ jubet.

Error ille, lusus ille, lapsus ille mentium est,
mente rudes, mente tardi qvo Parentes linquimus
certa maximo meatu commeantes per loca,
nec valemus interesse cœtibus prudentium
insciiqve turbidiqve plurimâ dementiâ;
qvo putamus haud potesse patriam perquirere,
nos quod instruat benignè, qvoqve multis profumus.
Error ille: nulla namqve pars loco perdiscitur
arsque nulla, nulla certè; mente cuncta prendimus.

Rectus ergo, pulcher ergo, quem premis callem pede,
Suavis ô Affinis, ipse quem Machaon deamat.
Scilicet mentem revisis, hancqve pulchrè præparas,
Orbis antequam remotos angulos perambules.
Myrrha, *Singultusq;* testis, testis *Anginæ* dolor,
testis est lucerna noctis de tuis conatibus.

Fena laudat, laudat *Halla*, laudat alma *Lipsia*.

Unus ipse, trinus ipse, Summus hujus Arbiter
Universi, quæso, cunctos dirigat gressus tuos.
Sic abibis, sic redibis, sic eris prosperrimus,
sic valebis, nec nocebis, sicqve cunctis proderis!

Ita Nobilissimi DNI Doctorandi, Affinis atq; Fauto-
suavisissimi, meritisimè honoribus ac propedien-
futuris peregrinationibus priscum felix ac fau-
stum acclamat.

Dietericus Gebhardus Walburger/



PRÆLOQVIUM.



Itam & famam pari passu ambulare, in vulgari dicitur verbo; neque id injustè: cum Vir bonus, estimationem suam nomenque honestum pensi habens, utriusque jacturam pariter æstimet; imò hujus vel defendendæ vel ampliandæ etiam gratiâ vitæ ipsius sæpè prodigus sit.

A verò haud aberrabit ille, qui verbulo mutato *Vitam & Respirationem pari passu ambulare* asseret. Hujus enim quanta sit necessitas ad motum sanguinis circularem conservandum, à cujus perennitate vitæ salus dependet, vel me tacente experientia ipsa loquitur.

Antalcides Sophista cuidam, Herculis encomium recitare studenti, respondisse fertur olim: Quis illum vituperat? Supervacaneum existimans in eo laudando insumere operam, quem uno ore prædicarent omnes. Vereor, ne si in demonstranda respirationis necessitate & utilitate jam operosus essem, alter mihi objiceret: Quis hæc negat?

Quò nobilior verò hujus usus, eò periculosior læsio, & gravior inde resultans noxa est; sive affectis partibus principaliter ipsi inservientibus intercipiatur respiratio, ut in peripneumonia; sive occluso ductu, per quem aer meare ac remeare debet, ut in angina; seu impedito ob influxum spirituum denegatum motu thoracis, ut in apoplexia forti; seu quacunque demum de causa contingat hæc difficultas.

Quilibet ex his affectus peculiari dissertatione dignus est; placuit tamen hâc vice, ubi JUSSU GRATIOSISSIMÆ FACULTATIS MEDICÆ SPECIMEN INAUGURALE mihi producendum in publicum, tractandam seligere ANGINAM, affectum faucium, ut *Magnus Rolsincius* vocat; celebrem, & si strangulationem, quâ interimit, spectes, maxime crudelem; ac quomodo citam, tutam & jucundam, miserrimo hoc malo afflicti ferre possimus opem, brevibus monstrare.

Romani olim Dea, Angerona dictæ, sacra instituisse feruntur, cum anginâ pestilenti omne genus animalium interiret; cujus Numen etiam miseri his in casibus implorârunt. Nos, qui ex Sacris literis de abominanda hac Idolomania ejusque vanitate meliora edocti sumus, hanc gentilium cœcitatem deploramus, & potius à calamitatibus morbisque variis pressi ad illum confugimus, qui & ipse in Verbo suo Medicum nostrum se salutatur, & quamdiu in terris his ambulavit, non animarum modò salutem promovit, sed & corporum fanitatem multis miraculosè restituit.

Idem Summus Archiater conatibus meis, his æquè ac futuris, ex alto clementer benedicat, ut felici semper successu, exoptatoque eventu coronentur.

§. I. *ANGINÆ natales* more recepto prius consideraturi, diversas Autorum opiniones offendimus, dum *alii à Latinorum angæ* deducunt, eò quod fauces ac ægros angat suffocatione: *alii verò ab augendo*, ob tumorem, quem in partibus affectis, hinc auctis, excitat. Sunt tamen, qui a *Græcorum ἀγχόνη* dictam putant, quod laqueum vel suspendium significat, & ab ἀγχω (unde & juxta hos Latinorum angō,) strangulo, suffoco, derivatur, ut ita unâ eademque voce, ἀγχόνη nempe, & morbum nostrum & suspendium Græci vocarent, teste *Jos. de Aromat. Tr. de rabie contag. p. 43.* quoniam idem ferè experiantur fatum anginosi, quod scelerati homines, quum injecto circa collum laqueo strangulantur. Hinc cum verbum ἀπὸ γζαῖ & de Judæ proditoris interitu *Matth. 27. v. 5.* & de Achitophelis morte *2. Samuel. 17. v. 23.* à LXX. adhibeatur, dubitant nonnulli, laqueone & suspendio sibimetipsis vitam eripuerint isti, an potius ex mœrore affectu nostro extincti sint; de quâ controversia, cum nostri instituti non sit, evolvantur *Fessel. Adversar. Sacr. lib. I. c. XI. p. 63.* & *Dilherr in dem Leben Jesu und seiner Jünger. p. 634.*

§. II. In *Græcorum*, præsertim recentiorum, scriptis varia occurrunt vocabula, sc. *κυνάγχη* & *συνάγχη* (quæ etiam ab *Hippocrate* in masculina terminatione usurpantur) item *παρὰ κυνάγχη* & *παρὰ συνάγχη*, quibus Anginæ species exprimere voluerunt. Sed cum speculationibus hæc magis innitantur, quàm Praxi; meritò hanc de literis contentionem, tanquam minùs utilem, cum *Galeno 3. progn. text. 18. § 4. de vict. int. text. 30.* parvi facimus. Interim qui de hisce deno-

denominationibus quædam nosse avet; adeat *Sennert. lib. 11. Prax. part. 1. c. 24. p. 91. & 95.* Apud *Latinos* duo præcipuè occurrunt nomina, *Angina & Prunella*, à quo posteriori herbæ aliàs notæ, *Prunellæ* vel *Brunellæ*, nomen inditum ajunt, quod huic affectui præ aliis omnibus conferre creditur, sicut & apud *Chymicos* Θ m cum Δ e paratum ob eundem effectum Θ & lapis *Prunellæ* audit; vid. *Sylv. lib. 1. Prax. c. 29. §. 84. & 85. p. 448.* Ab aliis vocatur *morbus suffocans, anginosa passio, præfocans abscessus, gutturis tumor &c.* Barbarum verò vocabulum est *Sqvinantia*, unde procul dubio *Italorum* la *Schinantia* & *Hispanorum* *Esquinancia* deducta. A puniceo-nigricante seu fusco lingvæ colore *Germanis* communiter audit *die Bräune* / cui *Latinorum* fuscido respondet, & eo ipso cum morbo Hungarico à nonnullis confunditur, quod in eo *angina*, ceu fidus comes, frequens adsit; Specialius vocabulum est *die Herxbräune* / de quo §. 16. Dicitur etiam *das Halsgeschwür* / & à *Dilherro* *die Rehlucht*.

§. III. Quamvis verò, si vim vocis ac derivationem consideres, omnis suffocatio *Angina* saluari possit, ex usu tamen loquendi propriè & in specie illa hoc titulo gaudet, quæ salvis thorace & pulmonibus faucium inflammatione affligit. Hinc *anginam notham* ex *Veterum* mente talem, quasi scilicet absque inflammatione faucium ea contingeret, nullam agnoscimus, quum in illa quoque ejus præsentiam ex propriis ipsorum verbis §. 6. evicerimus. Videtur quidem *Hippocrates 6. epid. sect. 7. t. 1.* inter faucium inflammationem & *anginam* distingvere, acquiescimus tamen in accurata explicatione *Sennerti l. c.* unicum hoc monentes, nec inflammationi aliarum oris partium *anginæ*, *nothæ* licet, nomen tribui posse, si propriè magis loqui placeat.

§. IV. Commodè hæc ipsa describitur, quod sit *Faucium angustia*, *deglutitione ac respiratione magis vel minus difficili*, aliisq; symptomatibus molesta, ab inflammatione earundem dependens. *Angustiam* adesse vox ipsa innuit & patientum querelæ testantur, quos strangulationis metu interdum maximè angit, dum iter aëris & com meatûs intercipere tentat. Omnibus verò morborum generibus certo respectu annumerari posse *Anginam* constat; Morbum namque *intemperiei* & inflammatio præsens, & febris, quæ ipsi interdum conjuncta, indicant: sicut ratione *tumoris in magnitudine aucta* peccat, & dolor affligens

fligens *solutionis continui* index est. *Symptomatum* quoq; classi inferri potest, dum actiones deglutiendi & respirandi lædit, coloremque faucium naturalem immutat.

§. V. *Sedem* ergò *principalem* sibi eligit Angina in *faucibus*, per quas ex clarissimorum Autorum mente intelligimus concamerationem illam & capacitatem interiorem oris, ubi gutturis & gulæ initium visitur, seu, ut *Hornius in Microcosm.* §. 16. explicat, commune iter ad asperam arteriam & gulam, quod *Græci* ἰσθμὸν vocant ob loci angustiam. Maximè verò ibidem *musculi laryngis* & *œsophagi* affici solent, nunc separatim, nunc magis conjunctim, quorum nomina & officium heïc explicare nimis longum foret, quum ex *Anatomicorum* scriptis facile peti possint, ex quibus præ aliis se commendat *Celeb. Bartholini Anatomia* p. 419. & 448. vid. etiam *Riolani Encheirid. Anatom. lib. V. p. 395.* Interdum per *œsophagum* repere solet inflammatio, ac *orificium ventriculi superius*, ob nervos ibi implantatos summè sensibile, afficere, unde species illa, *Die Herkbräune* dicta, emergit, de qua §. 16. Nec tamen excludendas putamus vicinas partes, in specie *tonsillas* & *columellam*, *musculos* item *ossis hyoidis*, & qui sub radice lingvæ siti sunt &c. Quamvis enim horum phlegmone, si sola existat, Anginæ nomine non veniat, licet & ipsa suffocationem quandoque minetur; quum tamen & illa, si latius serpat, ac faucium musculos in consortium trahat, affectum nostrum inducere possit, sæpe etiam in angina ad eas se extendere soleat inflammatio, *subjecti adequati* vicem gerere possunt. Quò etiam referendi colli musculi cum adjacentibus, qui non rarò, si ad exteriora magis vergat, rubore insigni conspicui sunt.

§. VI. *Causam immediatam* agnoscit *Inflammationem*, quam in omni Angina adesse experientia rationi juncta demonstrat, licet pro varia sanguinis ac feri constitutione nunc pura illa sit, nunc erysipelatodes, œdematodes &c. *Ortum* verò hæc habet ex sanguinis puri, vel particulis alcalinis, volatilibus, *Æis*, similibusque inquinati, motu circulari impedito, indeque natâ stagnatione, unde mox spontè excandescit ille & caloris sensum molestum in parte sensibili producit, dum enim in vasis suis, partibusvè quibusvis aliis subsistit, mox incipiunt ex eo evanescere partes *viscosæ* magisq; volatiles ac subtiles, tum acidæ, tum *Θinas* temperare solitæ, unde utræque acris
ores

„ores factæ acrius in se mutuò insurgunt, effervescentiamq; ob partes
 „oleosas præsentem calidam, inflammationemque excitant, ceu ele-
 „ganter hæc deducit *Sylvius lib. 1. Præx. c. 40. §. 15. p. 681.* Idem ex
 sanguinis viscidis & pituitosis, aut lymphæ in glandulis coagulatione
 ac stagnatione malum emergit, eò ipso enim acridinem acquirunt,
 quæ pungit & rodit, hincque calorem, dolorem ac consequentem
 inflammationem inducit. Pejor adhuc emergit status, si vel parti-
 culis fixis, salinis, acidis & fluorem adeptis ¶ eis inquinatum sit se-
 rum, vel cum minori feri diluentis quantitate Θia acria, acerba, au-
 stera, pontica, Δ abundantius biliosum explicant & corrumpunt;
 quâ ratione melancholiam & atram bilem Veterum eruditè explicat
Excell. D. D. Wedelius, Patronus meus ac Præceptor summè colendus, in
Theorem. Med. p. 43. & 44. Sunt quidem, qui in angina, hinc illis
notha dicta, quod à pituitosa ac frigida, ut vocant, defluxione à capi-
 te in fauces oriatur, inflammationem adesse negant, interim sva-
 dent in curationis methodo, humorem, qui affluxit, si discutientibus
 non cedit, maturandum & deinde evacuandum esse. At eò ipsò
 inflammationis præsentiam concedunt, dum vix ullam humoris ma-
 turationem & suppurationem fieri posse putamus, nisi hæc ipsa præ-
 cesserit, quamvis minorem esse eam, ac in angina sanguinea aut bi-
 liosa, ambabus largiamur.

§. VII. *Colligitur* autem materia peccans per πνευματισμὸν seu
 influxum cum impetu & confertim factum, rarissimè per συναθροί-
 σμὸν. Quamprimum enim natura ex humore quodam (seu quantita-
 te peccet ille, seu qualitate, seu motu) sensum molestum percipit,
 irritatur, & per ὥσιν ad partem certam mittere tentat illum, quæ igi-
 tur imbecillis est, vel ad fluxum recipiendum disposita, totius vitia-
 luere cogitur. Hinc si v. g. sanguis in majori copia ad fauces, quæ
 ob laxitatem carniū à perpetua glandularum illuvie contractam,
 ex sua constitutione imbecilles sunt, per arterias impetuosè ruat,
 quàm per venas remeare potest, necessariò stagnat ille, & per
 ἐλξιν calore ac dolore promotam major affluxus cietur. Præterea
 cum partes hæ copioso vasorum lymphaticorum agmine gaudeant,
 glandulis plurimis instructæ sint, ac torosam & porosam substantiam
 habeant, facilè à frigore externo aliisque causis sanguis illuc illapsus
 vel serum coagulari potest, observante idipsum sæpius *Celeb. Wedelio.*

§. VIII. Famofam Veterum ſententiam, quaſi nimirum à *capite & cerebro* per foramina offis cuneiformis aut cribriformis delabatur materia vitioſa, operoſè refutat *Excell. D. Schneiderus in Volumine ſuo de catarrhis*, ac in ſpecie *lib. III. ſect. 1. c. 6. p. 200.* Ubi etiam *Sennerti* explicationem *queſt. 2. p. 124.* propoſitam (quaſi humorum excrementitiorum in cerebro collectorum pars ad vaſa regurgitet, ſiſq; ad faucium & gutturis venas per jugulares defluat, anginam ibidem cauſetur) rejicit; magis veritati conſonum judicans, de inferiore corpore materiam calidam per arterias in laryngis muſculos confluere, ut hoc morbi genus inde naſcatur. Similiter *lib. cit. ſect. 2. c. 5. & 6.* fuſè probat, liquorem illum, qui per laryngis ut & gulæ vaſa & tunicas continuo transfudat, non à cerebro; ſed ex arteriis arceſſendum eſſe. Attamen *per dictum os cribriforme non omnem lymphæ tranſitum denegandum eſſe*, in *Diſſ. de Catarrhis publicè Anno 1675. habitæ §. 12.* demonſtrat *Profeſſor Lipſienſium famigeratiſſimus Dn. D. Bohnius*, Patronus ac Præceptor meus obſervandus. *Helmontii* opinionem, qui ex *latice corrupto* deducit, ex variis locis, ut *Tr. latex humor neglectus §. 25. p. 304. Catarrhi deliræ. §. 39. p. 354. item Retentæ p. 498. &c.* collectam recenset *D. Fr. Hoffmannus, Archiater quondam in Patria feliciffimus*, in *Opere ſuo de Methodo Medendi p. 306.* Singulare quid fovet *Andr. Caſalpinus*, dum *lib. II. queſt. med. 12.* demonſtrat, ſuffocationem in angina fieri magis oppletis venis jugularibus, quam clauſo laryngis oſculo; idque approbat *M. Aurel. Severin. Tr. de efficaci Medicina p. 53.* Qui ex *Chymicorum* principiis ejus originem arceſſunt, nunc Δ i coagulato, nunc ω ui ſiali π tato, aliisque aſcribunt, de quibus evolvantur horum ſcripta.

§. IX. Quum verò omnia ea, quæ quovis modo, remotiſſimè licet, fomitem huic malo ac anſam præbent, ſub nomine *cauſarum* in Scholis Medicis accuſentur; placet illa juxta communes rerum *naturalium, non-naturalium, ac præternaturalium* claſſes recensere. Ubi ex *naturalibus* ſtatim ſe ſiſtit *Temperamentum*, quod uti ex ſanguinis & ſeri diſpoſitione variâ reſultat, ita, ſi vel particulæ oleoſæ baſſamicæ cum Δ eis bilioſisque abundant, vel ſeroſæ cum Θ inis, acidis & ſimilibus conſpurcatæ ſunt, ceu §. 6. dictum, magis aptum erit. Corpora calidiora, humidiora ac molliora, quibusque caput infirmum & imbecille, huic affectui magis obnoxia eſſe, hincque frequen-

tius

tius anginas epidemias puerorum occurrere, statuit *Renatus Moreau* in *Epist. Barth. Med.* 71. *Cent.* 1. p. 338. Facillimè ii læduntur, quibus fauces ex naturali vel externò vitio debiles ac laxæ nimis existunt. *Juvenes* ob pleonexiam humorum & diætæ errores crebrius angit; *Viros* autem magis affligit ea, quæ ex sanguine, sicut *fœminas*, quæ ex ferro ortum habet, Inflammatio; has enim viris ferofiores esse ac frigidiores, si non temperamento innato, tamen adscititio, asserit *Excell. Wedelius* in *Theorem. cit.* p. 16. Confer *Sennertum* l. c. p. 93.

§. X. Inter *non-naturales* primum occupat locum *Aër*, cujus excessum in caliditate & frigiditate cum *Jos. de Aromat. Tr. cit.* p. 50. accusamus. *Æstus* namque teneras hæc partes magis rarefacit, & sanguinem illuc invitat, qui, fibris laxatis, hinc impetu majori influit, quàm recipi potest, unde in motu suo turbatus stagnat; ceu accurate hoc docet nunquam sine honoris præfamine mihi nominandus *D. D. Wedelius* in *Colleg. Patholog. privato*, ex quo plura me hausisse gratus profiteor. *Frigus* verò, dum in fauces admittitur, coagulando id præstare, §. 7. demonstratum. *Humidam* & *pluviosam* ejus constitutionem, statumque austrinum culpat *Hippocr.* 3. *aph.* 16. Imprimis tempestatum inæqualitas noxia, dum à calore partes laxantur, humoresque ad concitatiorem motum impelluntur, qui postmodum à frigore subitò superveniente maximò cum damno sistitur. Hinc cum *Vere*, magisque *Autumno*, nulla sæpè constans aëris temperies observetur, non mirum, his anni temporibus, attestante *Hippocr. sect. cit. aph.* 20. & 22. frequentius grassari anginas; quamvis nec æstas & hyems ab hoc malo immunes, præsertim si eâdem ἀνωμαλία gaudeant, aut excessu peccent. Quàm gravis ex subita post incalescentiam nimiam refrigeratione quovis modo factâ, seu corpus sudoribus diffuens aëri nudo exponatur, seu frigida superbibatur &c. in delinquentes redundare possit noxa, præter experientiam quotidianam observationes *Deckeri Exerc. Med. Pract.* p. 62. & 110. *Binningeri Cent. IV. obs.* 67. p. 440. aliorumque clarissimorum Autorum abundè testantur, stabilitque autoritas *Experientissimi Sylvii*, qui sanguinis & pituitæ coagulationem à frigore aëris, ∇æ, potus aliorumque, partes prius calentes subitò infestante, oriri statuit l. c. §. 9. & 10. p. 678. Præprimis *anginarum epidemiarum* causâ primaria, est aër, contagii vehiculum. Quum enim, ut verba *Renati Mo-*

„*redu in Epist. cit.* mea faciam, populares morbi communem cau-
„sam habeant aërem inquinatum & infectum, is verò ob respiran-
„di necessitatem eatque redeatque viam toties per fauces & asperam
„arteriam, malignitatis suæ vestigia partibus istis imprimit. Hinc
cùm ob aëris, aquarum & vini generosioris conditionem in *Hunga-*
ria endemium quasi malum sit morbus inde dictus Hungaricus, is-
que sociam sibi fidelem adjungat Anginam, nec hoc morbi genus in-
frequens ibidem visitur, uti militum Germanorum, quamprimum
has regiones ingrediuntur, strages inde facta comprobatur.

§. XI. Alterum eorum, quæ ad vitam summè necessaria
sunt, *cibus* & *potus* est, quorum legitimus usus uti sanitatem &
corporis vigorem tuetur integrum, ita si vel in *quantitate* exces-
sus fiat, vel *qualitas* noxia sit, vel *modus utendi* non ritè obser-
vetur, læsiones inde gravissimæ exoriuntur. Sic qui genialiter
vivunt, corpus cibus *εὐχύμοις καὶ εὐπέπτοις* satiant, vino simul
generosiori ac *πολυφώρῳ* sæpius inebriantur, sanguinis copiæ e-
jusque accensione, & hinc oriundæ anginæ fores aperiunt paten-
tes, quò nomine & alimenta calidiora & aromatibus nimis condi-
ta taxantur. Venenata, stringentia, acriora, ut fungi venenati,
solanum furiosum bacciferum, Bella donna Italici dictum, arum,
laureola, & similia eâ ratione censum hunc subire possunt, qua-
tenus sanguinis fluxui ad fauces & inde excitatæ inflammationi
ansam dant; de quo vid. *Sennert. quest. 3. pag. 125.* Sic & hydrar-
gyri inunctioni nonnunquam anginam supervenire, testatur *Her-*
cül. Saxonia Tr. de lue pœa pag. 337. dum serum in corpore coagu-
latum, seu pituitam liquando & fundendo agunt & alia, fauci-
busque peculiariter infesta sunt. In utendi modo delinquitur,
dum v. g. post nimium æstum statim plenus *ϙ*æ vel cerevisiæ frigi-
dæ haustus ingeritur, cujus noxam §. *preced.* monstravimus.

§. XII. Nec minus damnum ex *motu nimio* resultat, dum
humores, spiritusque exagitando calorem in corpore au-
get, sanguinisque fluxum accelerat. Hinc in cursu, saltatione,
equitatione, similibusque exercitiis modus non excedatur. Impri-
„mis metuenda angina in eo, cui guttur ex multo sermone aut vocife-
„ratione redditum imbecillius, quod illuc potius, quàm aliò fluxus
„feratur, idque multò magis, si frigido in loco orationem habuerit,
docen-

docente *Desider. Jacotio Comm. in Coac. Hippocr. p. 697.* Hinc cum *Demosthenes*, summus ille Atheniensium Orator, aliquando Milesiorum legatis in foro acriter respondisset, ac post ab iis corruptus esset, altero die in publicum prodiens, lanâ multâ collum cervicemque circumvolvitur, simulans se anginam pati, ne iterum illis contradicere deberet, sed alter fraudem subesse suspicans, verè & falsè ei objecisse fertur, non *anginam* ipsum pati, sed *argentanginam*, seu ut *Gellius* effert, non *synanchen* esse, sed *argyranchen*. Vid. *Noët. Attic. lib. XI. c. 9. p. 269.* & *Matth. Theatr. Histor. p. 177.* Sic ex *Hippocrate* annotat *Ludov. Duretus*, multos qui voce contenderant clamando ad ravim usque anginosos fuisse, alios qui manu diu multumque laborârunt in opere faciundo, multos etiam, qui citatis equis longum iter fecerant; *Comment. in Coac. p. 234.* Ex conatu nimio in partu malum hoc evenisse in puerpera, quæ inde occubuit, observavit *Platerus Tom. II. Prax. Med. p. 341.* Quomodo in infantibus à clamoribus immoderatis oriri possit, eleganter demonstrat *Langius in Colleg. MS. de morb. infantum c. 15.* Raucedo enim proles nimii clamoris; si hæc ulteriori clamore exacerbetur, dolorem facile adipiscitur comitem; dolori verò associatur affluxus humorum, hinc intumescencia & incandescencia major vel minor. Huc etiam *Vigilias*, si modum excedunt, referimus, quatenus & ipsæ humorum agitationem promovent, spiritusque absumendo serum acrius reddunt. Inter *animi verò pathemata* illa potissimum heic attendenda, quæ humores ac spiritus à centro ad circumferentiam plus justo cient, ut gaudium nimium, ira & excandescencia cum vociferatione, &c.

§. XIII. Restant *Excreta & Retenta*, quæ ultimum quidem in consideratione obtinent locum, licet ratione effectus subsequi cum reliquis de principatu contendant; dum enim humores, qui aliàs lege naturæ à corpore eliminari deberent, quacunque de causa resistunt, naturam mole sua aut acrimoniâ offendunt, quæ hinc commota, eos de se ablegare intendit, unde ad fauces propulsi pessimum hunc affectum gignunt. Sic si *Daris tributis* solutio à foeminis differatur, vel *lochia* post partum non ritè fluant, vel alia sventa evacuatio supprimatur, fauces sæpius pœnam sustinere coguntur, uti exempla in Practicorum scriptis, qui *Observationes* concinnârunt, plurima prostant. Maximè verò *Hæmorrhoidum suppressio* experienciâ multiplici *D. Pauli*

de Sorbait in causa, qui idipsum Viennæ centies se observasse scribit; *Med. Pract.* p. 304. & 306. ubi hæc adnectit verba: Hic experto mihi crede Roberto. Idem periculum timendum ex neglectâ V. S. purgatione, aliisque remediis antehac statò tempore celebratis. Imò nec consuetudinem, deterior licet sit, subito mutandam esse, memorabili exemplo anginæ ab usu Tabaci neglecto ortæ confirmat *Binninger. Cent. II. obs. 50. p. 183.* Natura namque per longum tempus assveta hujus ope serum superfluum per fauces eliminandi, etiam post ejus intermissionem illuc misit, quod verò more solitò non evacuatum stagnavit, hujusque mali causa exstitit; unde *Hippocratis* monitum *sect. 2. aph. 51.* sedulo his in casibus observandum.

§. XIV. Ad causas occasionales porrò spectant percussio partium prope fauces, violenta colli constrictio ac intentata suffocatio, aciculæ vel spinæ piscium deglutitæ, si gulæ infixæ hæreant, & similia, quæ dolorem & calorem excitando humores ad partes has invitant. Sic etiam lotio capitis intempestiva aut plenò corpore instituta, nimia capitis obvelatio vel nulla &c. Verbo: Omnia ea, quæ humores ad motum inordinatum quavis ratione compellere valent, huic causarum classi inferi possunt.

§. XV. Ex Præternaturalibus febres ardentes & malignæ interdum, ac omnium frequentissimè Hungarica, conjunctam habent anginam; ceu etiam §. 2. & 10. monitum. Quo pertinent anginæ illæ pestilentes & epidemium in morem crudeliter grassantes, quarum meminere *Cel. Barthol. Cent. 1. Epist. Med. 49. p. 205. & Epist. 51. p. 215. Wierus lib. Observ. Medic. rarar. p. 53. & seqq. Forestus 6. Obs. 2. schol. & plures alii.* In dysenteria epidemia aliquoties eandem observavit *Excell. Wedelius*, exemplumque habet *Hildan. Cent. III. Obs. chir. 27.* cujus rei rationem reddithanc *Nobil. Schneiderus*, quod venæ humores revehant in venam cavam, de hac eos hauriant arteriæ & ad partes propellant, *lib. 3. de catarrh. p. 201.* ubi etiam ex *Hercule Saxonia* adducit, nonnunquam hemicrania sociari eandem. Ex vicinarum in ore partium inflammatione oriri posse §. 5. dictum. Lethalem in morbillis igneis (der Friesel) vidit *D. Daniel Winclerus Ann. VI. & VII. Ephemer. German. Obs. 42. p. 76.* uti pleuritidi junctam *Platerus lib. II. Observ. p. 419.* Vertebra luxationem meritò huc trahimus, quæ compressione faucium dolorifica malum hoc inducere potis est. Quamvis enim pleri-

plerique Autorum anginam inde ortam pro peculiari specie venditent, nos tamen hujus multiplicationis vix sufficientem videmus rationem: aliàs tot constituendæ essent species, quot causæ ejus diversæ. De *Hydrophobia* idem esto judicium, quam in omnibus ferè cum angina coincidere probare conatur *Jos. de Aromatar. c. l. § ex eo Cl. D. Meibomius in Disput. peculiari ab H. Grube de med. simpl. cognosc. p. 112. allegatâ*; cum verò *Rolsincii* nostri experientia Anatomica obstet, qui *Tr. de affect. capitis, tit. de Mania* testatur, se in tribus à morfu canis rabiosorum cadaveribus dissectis nulla in faucibus deprehendisse inflammationis vestigia, dubia hinc redditur sententia hæc; unde iis potius, quæ comitem interdum habent anginam, annumerare placet eandem. Interim de mirabili hoc affectu legi meretur elegantissimus laudati *Jos. de Aromatar.* Tractatus, neque enim brevitatis studium permittit, omnia ejus phænomena hæc explicare.

§. XVI. Causarum doctrinam *Differentia* excipiunt, quarum ex variis Autoribus varias recenset citatus *Jos. de Aromat. p. 43.* Græci recentiores ratione subjecti *quatuor* ponunt, quatenus sc. inflammatio vel musculos *laryngis internos* in *κυνάγχη*, vel externos in *ὤζανκυνάγχη*, vel *pharyngis internos* in *συνάγχη* vel ejusdem externos in *ὤζασυνάγχη* afficit; quas latè explicatas vide apud *Sennert. l. c. Riverium in Praxi lib. VI. c. 7. p. 290. Rolsinc. in Epitome p. 107. Sebizium in Specul. Med. Pract. p. 576. aliosque. Ludov. Duretus Comm. cit. p. 235.* ex mente *Hippocratis* tria constituit genera, quorum *primum* nullum exhibet erysipelas, quod sit tractabile & aspectabile, *alterum* tantum in faucibus tumorem ruboremque excitat; *tertium* verò est anginae illius, in qua cum faucibus etiam rubent cervix & sternum; horum causas tradit *Desid. Jacot. l. 1. p. 696.* Eadem ferè ratione in tria dispescit membra *Platerus in Praxi p. 338.* prout nempe inflammatio seu tumor nullus intus forisvé, vel in faucium angustiiis tantum, vel foris potius in collo se offert. *Mindererus in Medic. Militar. c. 5.* præter anginā illam, quam *die gemeine Bräune* vocat, duas alias delineat species, quarum *primam* à sede affecta indigitat *die Herz-Bräune* / eò quod illam œsophagi partem, quæ ob sextum nervorum par ibi implantatum cum corde communicat, Græcisque ob id *καρδία* audit, affligit; & conjuncta est cum dolore & ardore intensissimo, qui juxta patientum querelas circa locum hunc instar prunæ ardentis nonnunquam urit,

urit, ac in febribus & dysenteria ex observatione *Excellent. Wedelii* occurrat. Altera verò Latinis *Prunella alba*, Germ. die weiße Bräune oder Ansaß dicitur, quoniam tota faucium concameratio unà cum uvula, tonsillis, lingua &c. materiâ quadam tenaci, viscidâ, albâ, obducta conspicitur, ut etiam instrumento ad sordes abstergendas opus sit, uti graphicè eam depingit *locò cit. Minder*. Et de hac procul dubio loquitur *Helmontius Tr. Catarrh. deliram. §. 39. p. 354.* ubi faucibus per anginam præclusis è lingua filum viscidum continuò propendere asserit, quum idem *Mindererus* annotet. Plura notatu digna de ea habet *D. Schultz Ann. Ephem. cit. Obs. 152. p. 215.* Alias differentias, quæ vulgò à genere, subjecto, causis, adjunctis, more, duratione & eventu, desumuntur, heic prolixè adducere lubens præmitto, ne tempus & chartam perdere videar, cum ex dictis facili negotio quilibet eas eruere queat; sicut ex signis variis jam enumerandis à reliquis affectibus, qui cognationem aliqualem cum ea habent, optimè discerni potest.

§. XVII. *Signa hæc Medicis dicuntur Diagnostica*, quod inde morborum vel *imminentium* vel *presentium* status penitus cognoscatur. Si itaque quis ex causâ non manifesta dolorem, calorem & angustiam in faucibus persentiscat, ut deglutitio assumptorum non nisi cum molestia fieri possit, motus colli aliquomodo impediatur, vel simul respiratio non liberè procedat, anginam ante fores esse prædicere potest Medicus, præsertim si aëris inclementia & aliæ causæ conspirent, aut plures jamdum hoc malo detenti sint.

§. XVIII. *Præsentiam* ejus eadem, in majori saltem gradu, denuntiant, quibus se numerosa symptomatum cohors associat: quæ omnia quidem in qualibet angina non simul visuntur, nunc tamen hæc, nunc alia magis affligunt, nunc majori, nunc minori cum ferocia sæviunt. Concitato namque humorum ad partes has affluxu, eorumque stagnatione, quâcunque demum de causâ, factâ, mox calor & dolor ibi oritur (*vid. §. 6.*) qui sensim ingravescens pro humoris peccantis conditione modò obtusus est & tensivus, modò acutus & pungens. Interdum ardor intensus circa *scrobiculum cordis* excruciat, de quo §. 16. Tumor, qui inflammationem sequitur, jam nullus apparet ad sensum, sed ex effectu patet, jam intus magis conspicuus est, jam foris etiam. Rubor non in faucium concameratione solum se manifestat.

stat, sed non rarò quoq; ad collum & adjacentes partes se extendit, imò totam faciem in graviori casu occupat, ut oculi etiam exerti rubentesque appareant, quod ex comunicata inflammatione, ac potissimum intentata suffocatione oriri strangulorum aspectus patefacit. Individui verò comites sunt *deglutitio & respiratio læsa*, licet frequentius de illius molestia conquerantur ægri. Quamvis enim *Riverius Cent. II. Obs. 10. p. 588.* exemplum recenseat cujusdam, qui anginâ tam vehementi laborârit, ut nec loqui nec deglutire potuerit, respiratione nihilominus manente integrâ; id tamen potius de læsione ejus non, adeò manifestâ, quàm nullâ, intelligendum suspicor, quum ipse in *Praxi suâ p. 291.* inter signa *pathognomica* & hanc ponat. Prout autem musculi laryngis vel gulæ, horumque interni vel externi magis, inflammati, ita deglutiendi ac respirandi difficultas, & ex his timendum periculum variat. Interim orthopnoëa in exquisita Angina (quam tamen eò modo, quò vulgò describitur, rariùs in Praxi occurrere, aliorum experienciâ edoctus sum) adeò urgere nonnunquam ægros dicitur, ut metu strangulationis erectâ cervice & aperto ore respirare cogantur, uti & non rarò liquida assumpta per foramina ex palato in nares patentia, magnâ vi rejiciuntur ab illis, qui solida deglutire possunt; licet & contrarium aliquando contingat, ut illa facilius deglutiantur, solidiora minus; id quod autoritate *Jos. de Aromat. Tr. cit. p. 47.* & *Riverii p. 290.* constat, qui etiam horum phænomenon rationes optimè explicat, cui *Sennertus & Bræckhuys. Oecon. Anim. Art. 74. p. 119.* adjungi possunt. *Febris*, quæ interdum simul affligit, vel *symptomática* est, aliis comitata dicta; quæ gravissimæ inflammationi ob consensum cordis supervenit, vel frequentius *primaria*, de qua §. 15. cujus dein productum est angina. Utraque continua solet, esse & acuta; nonnunquam tamen prunellæ albæ lentam conjungi febrem testatur *D. Schultze in Obs. §. 16. citatâ. Pulsus*, qui virium & motus circularis index, ordinem non observat, nam Autore *Galeno lib. 4. de caus. puls. c. 20.* nunc tensivus est ac convulsivo similis; aliò tempore magnus & undosus; ingravescente suffocationis periculo parvus & rarus, aut ubi ad extrema ventum, creber & inæqualis. Placet heic verba *Heurnii l. de morb. c. 1.* adducere, quibus varietatis hujus in pulsu causas explicat. In suffocationis, inquit, initio calor jure deberet recreari à frigore; languet inde virtus, ac extincto calore nativo,

„pulsus labitur in parvitatem & raritatem : sed cùm ad mortem per-
„git, fit crebrior, quia æquare eâ frequentiâ magnitudinem studet,
„fitque inæqualis ob languorem summum facultatis, quæ jam imme-
„mor redditur sui negotii, & otium affectat. Sic frequentem & cele-
rem adnotavit *Timæus von Guldenslee lib. 1. cas. medic. 1. p. 77. Lingua*
vel ob calorem intensiorem nigra, arida & fissa conspicitur, vel len-
tore albo obviscata est, interdum simul inflammata tumet. *Sitis* ur-
gens commiseratione heic dignum symptoma, præsertim si ob deglu-
titionem liquidorum prohibitam compesci nequeat. In extremo casu
spuma circa os apparet, quam à summa angustia, suffocatione vel con-
vulsione exprimi docet *D. Paulus de Sorbait l. c. p. 306.* & à fervore
summo materiam agitante, deducit *Sennertus p. 101.* Adde quæ *Heurnius*
Comm. in 2. aph. 43. habet, quò in loco inter lethalia signa eam ponit
Hippocrates. Et hæc potiora sunt, quibus plura ex *Joseph. de Aroma-*
tar. aliisque addi possunt.

§. XIX. Nunc *signa specialia* explicanda essent, ex quibus v. g.
innotesceret, quinam muscoli potissimum affecti, an gutturis, an gu-
læ, & an interni, an externi : it. an sanguini & sero puro, an aliis par-
ticulis vitiosis inquinato ascribendum sit malum ; sed quùm illa præ-
beant ipsa hæc symptomata longâ serie recensita, prout majori vel mi-
nori cum impetu sæviunt, prætereà ab Autoribus Clarissimis, sæpius
à nobis citatis, aliisque huic operi abundè satisfactum sit, nolumus
actum agere, sed hujus rei cupidos ad illos remittimus.

§. XX. Potius ad *Prognostica* jam accessum facimus, quæ morbi
eventum, ejusque *tempus* ac *modum* prædicunt. Sicut verò in gene-
re *salutis* & *mortis* signa ex collatione virium cum morbi vehementia
& proportionem invicem factâ optimè desumuntur, unde & in istarum
robore unicam anginosorum spem consistere docuit *Galenus* : ita in
specie periculi metuendi vis patescit 1. *ex causæ affligentis magnitudine.*
Hinc ex inflammationis statu de morbi conditione iudicium feren-
dum, ut quò gravior illa sit, eò periculosior censenda Angina. A qui-
bus verò causis hæc varietas dependeat, §. 6. enucleatum. Sic etiam
quæ foris magis conspicua visitur inflammatio, non adeò timenda,
quàm quæ intus se occultat, cùm angvis tunc sub herba latitet ; unde
& illam præsertim anginam lethalem vidit sæpius laudatus *Excell. We-*
delius, ubi inflammatio inferius magis processit, non apparens in con-
camera-

cameratione faucium. 2. *ex subjecti affecti nobilitate*. Unde quum laryn-
 gis muscoli, qui respirationi inserviunt, officii dignitate ac necessario
 usu vincant illos œsophagi, qui deglutitioni magis famulantur, dum
 hæc ad tempus aliquod, illâ non item carere possumus; minus urget
 periculum hisce affectis; uti & externorum læsio facilius ferri potest.
 Maximè verò Angina (sic vocare liceat) Cardiaca vitæ insidias struit,
 ac sæpissimè mortem in propinquo esse notat, dum partem nobiliorem
 infestat, & medicamenta per siphonem injecta huc non penetrare pos-
 sunt. 3. *ex symptomatum simul ingruentium violentia*; inter quæ dum
 principatum obtinent respirandi & deglutiendi difficultas cum dolo-
 ris sævitia, merito ea species periculosissima censetur, in qua in gradu
 intensiori hæc ipsa, reliquis stipata accidentibus, adsunt; mitior ali-
 quando, ubi citra orthopnoeam deglutitio ac dolor cum ceteris mi-
 nus affligunt; tutissima tandem, quæ & istis non adeò molesta est, &
 exteriora saltem occupat. Dolores tamen sine causa sedati mortem
 subesse testantur, autore *Hippar. in Coacis*. Febris præsentia nunquam
 in bonis habenda, præsertim si gravior illa sit, aut mali moris. *Divus*
Senex in aphorismis suis aureis passim, it. *in libris Coacarum prænot.* &
prognosticis varia habet axiomata huc facientia, quorum rationes à
Sennerto & Riverio in Pract. ut & in *Commentariis Ludov. Dureti, Jac.*
Hollerii & Desider. Jacotii in Coac. prolixè adductæ sunt. Imprimis sa-
 lutare indicium est, si inflammatio & rubor, relictis interioribus, fo-
 ris apparet 6. *aph.* 37. & 7. *aph.* 49. uti quæ contrariò modo contingit
 conversio, mortifera esse solet. Melius namque est à nobilioribus
 partibus, quales interiores, ad ignobiliores seu exteriores humorum
 μετακίνησις fieri, quum naturæ robur victoriamque indicet, & partes
 principes à morbo liberet. Probè tamen videndum, an vera sit hæc
 transpositio, an tantum ex propagatione humoris peccantis ad exte-
 riora, superstitie foco priore & morbo, oriatur rubor iste, ne vanâ spe
 lactetur animus; id quod symptomata patefaciunt, si non remissiora,
 inde evadant, sed vel in eodem gradu persistant, vel magis ingrave-
 scant. Suspecta verò debet habere sua bona, cui desubito respiratio
 aut deglutitio restituitur absque causa manifesta, quum omnis ejus-
 modi levatio insidiosa sit, de qua illud *Coi nostri* valet in *aphor.* Non
 fidendum iis, quorum levatio est ἀσύντως καὶ ἀνέμετος, sine signis &
 causis. In pramella alba lethale observavit hoc *Mindererus*, si tenax

illa albida materia fauces occupans & dentes vernicis instar obvi-
 scans, nigrescat aut exsiccet. De *pulsus* varietate, & quinam ex his
 pessimus, *vid. §. 18.* Juvat quoque *lingram* aspicere, dum & illam heic
 affici *§. cit.* docuimus, & signa prognostica in morbo Hungarico,
 angina, febribus ardentibus &c. ex ea æqvè ac alias ex pulsu & urina,
 desumi possunt, de quibus consule *Sennert. in Instit. Med. p. 668. & 743.*
Excellentissimum Dn. D. Ammannum, Præceptorem meum, dum Lipsiæ
viverem, & Patronum honoratissimum, in Paranesi suâ ad discipulos p. 270.
 & qvi peculiarem tractatum de hac Glossomantia conscripsit, *Prothum*
Casulanum.

§. XXI. Cùm verò ex *acutorum genere* sit affectus noster, qvi
 citò tempora sua decurrunt, in eo aut brevi mors expectanda, aut vi-
 ctoria læta. Acutissima verò illa, quæ strangulatu forti cum sævi dolo-
 ris cruciatu patientes affligit, nullo tumore intus forisque conspicuo;
 hanc enim horis 4. 8. 10. & 12. post, mortem crudelem insecutam esse,
 exemplis ex variis Autoribus collectis confirmat *Schenckius lib. II.*
Obs. 26. 27. & 28. Sic etiam *Fernelius* eâ sæpè vidit sublato ægros 18.
 horarum spatio *lib. 5. παθολογ. c. 9.* Non semper tamen adeò pesti-
 ferum acutumque malum esse, ex *Hippocrate* probat *Jos. de Aromat. l. c.*
p. 40. qui 2. *epidem.* testatur, quibusdam cynanchicis tumores non so-
 lum ad 40. dies, sed valdè longum tempus perdurasse cum vocis ac
 deglutitionis læsione, quod etiam *Galenus* testimonium *comment. in*
b. l. approbat. An verò hinc duplex cum *citato Autore p. 45.* sit con-
 stituenda angina, altera *acuta*, quæ intra 40. vel 60. dies ad summum
 terminetur (quum *Hippocrat. lib. prenot. & diebus indicat.* hos termi-
 nos agnoscat, quamvis *Galenus 2. aph. comm. 23.* non credat ultra qua-
 dragesimum diem acutos progredi morbos) alia verò *chronica*, quæ
 tempus hoc pertranseat, cuilibet artis hujus gnaro dijudicandum re-
 linquimus. Dum enim inflammationis, quam semper heic adesse
 §. 6. demonstravimus, ea est ratio, ut non longè post, nî discutia-
 tur, ad suppurationem tendat, vix chronicorum tempora emetie-
 tur. Interim molestias hinc enatas ad aliquot septimanas posse dura-
 re, facillè credimus.

§. XXII. *Modus eventus* non unâ ratione contingit; vel enim
 materia peccans convenientibus remediis resolvitur & discutitur,
 vel maturatione facta sub puris specie evacuat, vel ad alias

transfertur partes. Primus modus optimus censetur, quum minori cum periculo & patientum molestia conjunctus sit. Frequentius vero in abscessum colligitur, quam & inflammationis præsentia & locus materiæ suppurandæ capax adjuvant; unde & non rarò anginâ laborantes gravissimâ à præsentis suffocationis periculo, abscessu ruptò, liberati sunt, Germ. efferunt: *Es bricht auf*. Interdum sensim & sensim abscedit materia & per excreationem ejicitur, adjutâ naturâ per medicamenta injecta, seu gargarismos, quod sæpius in die ac repetitis vicibus fieri debet, alias redit malum, *Es läuft wieder an*. Vid. *Colleg. Patbol. §. 10.* laudatum. Hæc autem sputa cocta esse debent, non subarida, glutinosa, crassa &c. monente id ipsum *Sene* nostro in *Coacis*. Quod si autem ad alias transfertur partes, v. g. ad cerebrum, pulmones, pleuram, cor &c. ubique res periculi plena evadit, ob symptomata graviora hinc exorientia, & à *Sennerto p. 102.* descripta. Imprimis de conversione ad pulmones notabile effatum *Hippocratis* „*aph. 10.* Qui ex angina fiunt peripneumonici, intra septem dies „moriuntur, si hos effugerint, *ἐκπύου* seu purulenti evadunt; quod „ipsum etiam in *Coacis* & *Prognost.* repetit. Sic exemplum anginæ in peripneumoniam mutatæ lethalis habet *Heurnius Comm. in cit. aphor. p. 329.* Insperata tamen salus ac ferè miraculosa nonnunquam obtingit; quando naturæ suæ conservationis studiosa, insuetum per iter nec adeò cognitum, crisin exhibet salutarem, dum per alvum aut □as excretionem puriformem molitur, sicque materiam morbificam eliminat, in quibus viis delineandis occupatus est *D. Caspar Baubinus* in *Epist. Anatom. Curiosa ad D. Voglerum Patrem* conscripta, & curâ *Celeb. Wedelii Ann. III. Ephem. German. p. 596.* annexâ. Nec lectu indigna sunt, quæ de istis habet *Desider. Jacot. Comm. cit. p. 715.*

§. XXIII. Ex dictis ergò nunc patescit, sat gravem esse ac periculofum hunc affectum, qui citam opem non tam postulat, quam urget, adeò ut is, qui curam ejus in principio negligit, sæpè morte, funestâ cunctationem hanc luere debeat. Uti verò nihil sine legibus Jctus, ita nec sine indicationibus quicquam ritè perficere potest Medicus: quarum alia *morbum* ipsum removendum respicit, alia *causæ* ablationi studet; alia demum *virium* conservationi & symptomatum mitigationi intentâ est. Media ex his primatum obtinet, dum causâ sublatâ & effectus hujus, morbus cum adjunctis suis accidentibus,

sua sponte cessat. Fini huic ex voto obtinendo varia inserviunt præsidiorum genera, ex triplici vulgò dicto fonte, *Chirurgico* nempe, *Pharmaceutico* & *Diatetico* desumenda. Nam statim ac humorum, in specie sanguinis ad fauces affluxus persentitur, opus est *revulsione*, per debita media post recensenda, quæ motum hunc concitatiorem, aliquomodo compescunt, & ne ad partes has tanto cum impetu ruant, impediunt. His succedant *repellentia*, intus solum in faucibus adhibenda, quæ inflammationem avertere valent, partesq; laxas blandè roborant, ut materiam, si quæ adhuc affluat, non ita promptè recipiant. Postmodum & *derivantibus* locus concedatur. Quod si verò jamdum partibus adeò impacta sit materia peccans, ut repellentibus cedere nolit, tentandum, an ope *digerentium* & *discutientium* removeri possit. Si tamen nec his aliquid efficitur, & suppurationis indicia se manifestant, appropriatis *pepticiis* illa adjuvanda, & post l. a. tractanda. In genere tamen cavendum sedulò, ne astringentibus & refrigerantibus foris, quocunque tempore, imprudenter adhibitis, materiæ morbificæ recursus ad interiora promoveatur, quum certissimum vitæ periculum exinde metuendum sit. His, externis magis, associanda interna pharmaca, tum quæ sanguinis circulum in ordinem redigunt, & malignitati, quæ conjuncta interdum, resistunt, aut serum coagulatum attenuando & incidendo obstructions hinc factas tollunt, motumque sanguini stagnanti restitunt, ut *sudorifera* & *diaphoretica* varia cum *bezoardicis* juncta: tum quæ materiam morbificam, si vias has affectet, per □am eliminant, ut *diuretica*. Quibus omnibus si *alterantia* & *corroborantia*, nec non *specificia* dicta, jungantur, legitimusque in *Dietæ* modus observetur, felicem curationis eventum, divinò freti auxilio, & Medicus & æger expectent.

§. XXIV. *Revellentium* primarium est *Venæsectio*, cujus usum unò ore suadent Autores; unde & optimum, præsentaneum, & in morbo hoc compendiarium remedium salutatur à *Sennerto*, in quo, judice *Riverio*, præcipua salutis spes constituenda, hincque tantopere necessarium, ut à nullo contraindicante retardari debeat. Quamvis verò cum *Helmontio Pleura furens* §. 7. p. 318. & *Tr. de febribus* c. 4. §. 39. p. 754. revulsiones per sanguinis missiones institutas, derideant nonnulli, ac ut frustraneas rejiciant, ipsis tamen experientia, optima rerum

rerum Magistra, refragatur, quæ docet, venam v. g. tali sectam mensium fluxum promoveri, quem in cubito celebrata V. S. inhibet, quod sanè non contingeret, nisi averforia quadam vi polleret. Quo ipso tamen neutiquam Veterum errori subscribimus, qui ex ignorantia motus circularis putarunt, sanguinem mediantibus venis ad partes fluere, unde hoc medio ipsum ad aliquam partem ruentem retrahere voluerunt, nam per arterias id ipsum fieri ex autopsia Anatomica jam clarum est: nec sub illo conceptu eam admittimus, quasi à parte affecta sanguis immediate per V. S. hanc retrahatur propter communicationem aliquam specialem & determinatam venæ cum membro affecto; nam præterquam quod hæc quoque opinio circulationis legibus repugnat, noxa potius inde metuenda, ne aperta venâ, arteriæ dicti membri sociæ, major ad hanc affluxus alliceretur: sed mediantibus arteriis revulsionem hanc (quod & de derivatione valet) contingere putamus, ad quas in parte laboranti oppositâ sitas, sanguis h. m. adducitur, adeoque impetuosior ejus affluxus ad affectam partem quodammodo inhibetur, uti accurate hæc nobis exposuit *Excell. Bohnius in Collegio Therapeut. privato*, ex quo & aliorum remediorum agendi modum, ad circulationis normam applicatum (si pace ejus, quod spero, fieri poterit) adducere animus est. Hinc rectè *Sennertus p. 105.* apertionem venæ in oppositâ parte primò sùadet. Neque etiam negamus, ex *arteriarum incisione* (modò apud nos usitatiores esset illa) celeriores juvandi spem affulgere; attamen & venarum sectioni optatum respondere effectum experientia testatur, & *Schenckius, in hac Salana quondam P. P. meritissimus decade 1. problem. de V. S. 6. p. 21.* probat. Qua ratione autem V. S. sanguini stagnanti suus restituatur motus, eleganter declarat *Sylvius l. c. §. 40. p. 691.*

§. XXV. Communiter pro scopo hoc eliguntur in brachio *mediana & cephalica*, quod commodè per eas sanguinis depletio fieri possit; nunc verò una sufficit, nunc utriusque aperturam plethora, urget: quò in casu primò medianæ, hinc cephalicæ incisionem commendat *Sennertus. Hippocr. lib. 3. de morb.* venam *sub mammis* quoque aperire jubet, quem contra *Cælium Aurelianum*, id improbantem, defendit *M. Aurel. Severinus Tr. cit. p. 56.* Si verò mensium suppressio culpa, venæ alicujus *in pede*, præcipuè *saphenæ*, sectio simul celebranda. Imò *Jul. Cesar Arantius lib. de tumor.* quem citato loco *Severinus*

rinus adducit, in omni angina necessarium hoc judicat, adeò ut & detrimentosam initio morbi superiorum venarum sectionem judicet, cui tamen opinioni haud suffragatur experientia. In eo tamen minus consentiunt Autores, quænam in priori casu primò aperienda sit vena; dum alii ex superioribus quandam, ex inferioribus alii eligunt. Sed distinctione quadam hanc controversiam dirimit *Sennertus*, dum ab eo, *quod magis urget*, incipiendum esse monet, qui videatur. Idem in *hemorrhoidum per hirudines* apertione, si ab iis malum foveatur, observandum; cujus usum in omni faucium dolore & angina experientiâ suâ Practicâ nobilitat *D. Paulus de Sorbait l. c. p. 729.*

§. XXVI. Nec *menstruæ purgationes* heic V. S. administratio-
nem inhibent. Sic *Sculdetus* in foemina quadam anginosa, mensi-
bus licet ritè fluentibus, præmisso clystere, sanguinis 3jv ex vena
brachii educi curavit, & altera die venas sub lingua incidi, utrâq;
verò vice (quod probè notandum) simul cucurbitulas ficas parti-
femorum domesticæ cum multa flamma affixit, ne per superiorum
venarum incisionem purgatio menstrualis impediretur, & major ad
partem affectam fieret attractio; *Armam. Chir. part. II. Obs. 40. p. 53.*
In aliâ tamen puellâ anginosâ eam intermisit *Deckerus*, quia menstrua
ipsi per quatrimum jam fluxerant & adhucdum satis fluebant, & sic
natura V. S. vicem quasi supplebat, in *Exercit. cit. p. 62.* Imò ipsa in-
gravidatio, si suffocationis periculum urget, non excusat. Aborti-
endi quidem metus adest: quum verò compertum sit, in his quo-
que absque periculo V. S. fuisse celebratam, ac in nonnullis, extra
hunc etiam casum, ad abortus præcautionem ob sanguinis copiam,
foetum aliàs suffocantem, necessario requiri, eam admittimus, ita
tamen, ut sanguis cautè ac minori quantitate detrahatur, non verò
juxta *Riverii* placitum, in magna copia, ne abortu fortean culpa no-
strâ promotò conscientiam lædamus.


§. XXVII. *Largior autem evacuatio* simul & semel facta, in
nostris præsertim regionibus, exulet. Unde nec exteri in hoc imi-
tandi, nec ii audiendi, qui ad animi deliquium usque eam suadent.
Ubi obiter ex *Collegio Nobil. Bohnii cit. & Schenck. probl. 9. de V. S. p. 34.*
notamus, Veteres in febribus ardentissimis, maximis inflammatio-
nibus, & vehementissimis doloribus, non ideò cum *Galeno* ad lipothy-
miam usque sanguinem detrahendum præcepisse, ut, quæ vulgaris est
opinio

opinio, ea sit mensura maxima evacuationis: fallax enim admodum fuisset hæc regula, dum nonnulli αἵμοφόβοι vix vena fauciata animo deficiunt, sed potius, quod in dictis affectibus deliquium hoc immediate quasi medeatur, dum ab eo per corporis refrigerationem subitam impetus sanguinis & ebullitio p. n. tantocyus infringitur, ipsique corpori torpor quasi & insensibilitas quædam inducitur. Quò minus verò id ipsum in affectu nostro admitti possit, respirationis difficultas & suffocationis inde metuendæ periculum obstat, juxta quæ etiam sanguinis evacuandi quantitas semper regulanda. Tutius tamen est infra subsistere, quàm exquisitè evacuare, præsertim cùm repetita V. S. id, quod restat, detrahare valeat, ea quoque ex *Sennerti* mente plus revellat, quàm una larga sanguinis evacuatio.

§. XXVIII. Et ab hoc remedio in omni angina, etiam illa, quæ juxta Veteres à frigida pituitosaque defluxione ortum habet, curationem auspicandam esse monet *Fr. Joel lib. II. Prax. p. 59.* præmisso tamen, si per morbi vehementiam licet, *clystere laxante*, sin minus, post injiciendo. Quamvis enim *Schenck. lib. II. obs. Med. 30. ex Alex. Bened. de curand. morb. lib. VII. c. 19.* exemplum habeat ægri, angina sanguinea citra phlebotomiam liberati, id tamen iis, quæ rarò contingunt, nec facile imitanda sunt, annumeramus. Excipiendæ verò malignæ & epidemiæ, in quibus, attestante *Wiero l. c.* plus læsionis, quàm emolumenti affert phlebotomia, sicut etiam *Castellus* in Angina contagiosa, Neapoli tum grassante, eam inutilem deprehendit, referente id *Excell. Bartholino Cent. I. Epist. Med. 51. p. 215.*

§. XXIX. Vicariam V. S. operam præstant *cucurbitule scarificatæ* in illis, qui per ætatem aut virium imbecillitatem venarum magnarum apertionem non adeò ferunt, dum pariter ex toto sanguinem educunt, tenuiorem tam, quàm crassiorem, siquidem arteriæ æquè ac venæ capillares, ad quas utraque ex illis defertur, inciduntur. Cruribus eas apponi curat *Sennertus*, vel supra renes, post etiam brachiis, non ita collo, ne parti, loco affecto propinquæ, in principio admotæ majorem ad eum affluxum concitent, sicque malum augeant. Cervici applicat *Fr. Joel l. c. p. 257.* Eidem, ut & scapulis & lumbis *River. in Praxi & Observat.* Nuchæ & scapulis sibi admovit *Binninger. Cent. IV. obs. 67. p. 441. Lazarus Sotus in animadv. Med. pract. c. 4. §. 59.* scarificatum brachiorum in pueris commen-

dat, citante *M. Aurel. Severino* p. 64. qui ipse de scarificatione variarum partium in angina plura ex Autoribus collegit pag. 65. & seqq.

§. XXX. Ad hanc classem etiam spectant *cucurbitæ non scarificatæ* seu *siccæ*, variis corporis partibus admotæ, de quarum usu averforio, retractorio similibusque, varia Autorum testimonia adducit, laudatus *Severinus* p. 205. 206. & alibi. Eâ verò ratione id præstant, quatenus arterias & venas simul afficiunt, & sic sanguinis per utrasque motum aliquomodo morantur. Scapulis autem, collo & sub mammis affiguntur, autore *Platero in Praxi* p. 344. ac præsertim in cervicis initio juxta secundam vertebam appositæ magnum afferunt emolumentum, dum liberiorespirationem ac deglutitionem adjuvant. Sic scapulis & brachiis magnas seu ventosas apponi curavit *Timæus von Guldentlee Cas. cit.* p. 78. Ad potentius revellendos humores *vesicatorium* posteriori parti cervicis statim ab initio post V. S. admovendum suadet *Riverius in Praxi* p. 293. sicuti idem in quodam cum successu præstitit *Cent. II. Obs. 10. p. 588.* Hæc ipsa tamen nuchæ applicata, præcipue in augmento, improbantur à *D. Paulo de Sorbait* p. 730. utpote parti affectæ nimium propinqua, nisi fortè in fine seu in declinatione ad apparentis jam & maturi tumoris rupturam. *Vesicatorium* singulare præscribit *Mynsichtus in Armam. Medico-Chym. sect. 30. p. 420.* quod super pectus poni jubet, quum optimè ad illud materiam divertat & experimentum sit nobilissimum. Munere autem derivantium & revellentium funguntur hæc ipsa, dum lympham affluentem & refluentem alliciunt & evacuant, ut ab eâ membra alia, hinc morbosa, minus lædantur. Maximâ urgente necessitate *cauteriis*, docente *Platero loc. alleg.* cervicis initium seu capitis eminentior sedes inuritur, quod & præservatoriè locum habet. Tandem *frictiones* quoque extremorum, *ligaturæ* in artubus, & *lotiones pedum* ex  a calida simplici vel herbis appropriatis medicatâ, commendantur. Si veterum stamus opinione, inquit *Illustris Barthol. Cent. I. ep. med. 81. p. 334.* ad sui refrigerium cor per extrema arteriarum, venarumque oscula in cute aërem simul recipit & expellit fuligines, quod aucta necessitate Cynanchicis crebris frictionibus foret promovendum. Sed an multum ad humorum revulsionem conferant, dubito, cum vis earum ferè momentanea sit. Plus juvami-

vaminis ex ligaturis sperandum, præprimis si in partibus remotioribus instituantur, dum enim venas constringendo sanguinis & feri refluxum ad cor quoad antenus remorantur, non tam citò iterum ad partes, nec in tantâ copia amandari possunt, quin si dolorificæ sunt, simul attrahendo humores agunt. Hinc tales in quadam puerpera, ex angina vera decumbente, artubus admoveri jussit *Binninger Cent. I. Obs. 86. p. 95.*

§. XXXI. Nunc ad fontem *Pharmaceuticum* delabimur, ubi scopo nostro inserviunt *Purgantia & Vomitoria*. Illorum usum in principio prolixè commendat *Decker Exerc. cit. p. 262. seqq.* ac Practicorum à nobis sæpius allegatorum testimonia comprobant. An autem febre præsentē in initio tuta sint, non convenit inter Autores. *Sennertus* ad febris naturam respicit, quatenus vel præcessit anginam, aut simul cum ea invasit, vel infecuta est eam: in priori casu ea fradet, in posteriori verò non multum inde commodi sperandum dicit; vid. ipse *p. 105. & 106.* ubi hæc latius proponit. *D. Paulus de Sorbait Med. Pract. p. 730.* purgationem, febre licet affligente, ordinat, si indicans hujus seu cacochymia adsit, idque in plurimis patientibus hætenus se probasse dicit, optimeque successisse, dum plures anginas in corporibus cacochymicis & minus plethoricis solo cathartico curaverit. Sic anginam illam contagiosam, cujus ex *Cel. Bartholino §. 28.* meminimus, sola purgante potione ex Syrupo rosar. & melle olim jugulavit *Castellus*. Mature autem instituenda hæc est, statim altero post V. S. die, ut *Riverius & Fr. Joel* volunt, quum morbus non det inducias: quin si is urgeat, etiam eodem; ut se fecisse refert *Trallianus lib. 4. c. 1.* ubi *Sennertus* monet, manè celebratâ V. S. vesperi exhiberi posse purgans. Eligantur verò *mitiora* saltem & *blanda*, quæ humores non nimis exagitant, præprimis si bilis peccat, nam ad pituitam exterminandam fortiora paulò adhibere licet. Hujus generis sunt, cassia, tamarindi, manna in jusculo soluta, (de cujus usu vid. *Binninger. cent. IV. Obs. 67. p. 440.*) rhabarbarum, mechoacanna utraque; Syrup. rosar. solutivus jam commendatus, Syrup. de manna, cichorii cum Rhabarb. &c. Forma autem liquida videtur commodissima, dum sic pitissando absumi possunt, quamvis & in alia, si appetatur, dare liceat. Pilulæ tamen vix commodè præscribuntur, ob deglutitionem læsam & saporem ingratum, nausæ ac vo-

mitus procreatricem; multo minus imitandus *Rondeletius*, qui pilulas dissolvit pro faciliore assumptione, non attendens mala, quæ ex nauseabundo hoc medicamento oriri possunt. Interim præservationis loco olim, cum Romæ angina epidemia ac pestilens grassaretur, à Medicis ordinatum remedium hoc, ut post frugalem cœnam dosim pilul. hier. picr. assumerent; quo auxilio quicumque usi sunt, periculum declinarunt tam atrocis mali. Vid. *Holler. lib. I. de morb. intern. cap. 23. pag. 215. & Plater. in Praxi pag. 346.*

§. XXXII. Si verò deglutitio planè impedita sit, ut nulla ore assumi queant purgantia, eorum vicem suppleant *Enemata* ex emollientibus variis, ut & laxantibus, purgantibus, & stimulantibus acrioribus conflata, quæ tamen, si febris conjuncta, mitiora esse debent. Talia sunt herbæ 5. emollientes vulgò dictæ, ut malv. alth. violar. mercurial. parietar. quibus alii betam, branc. urfin. & atriplicem addunt, rad. alth. lil. alb. bryon. cucum. asin. cyclamin. flor. lil. alb. melilot. sem. lini, fœnigr. furfur. & agaric. in petia ligat. jalapp. helleb. nigr. fol. senæ &c. quibus in ▽ a simpl. coctis & colatis add. electuaria varia, bened. laxat. diacathol. diacartham. hier. picr. simpl. & cum agarico, cassia pro clysteribus, it. olea lil. albor. lini, rutæ, chamæmel. & stimuli loco Θina, Θ gemmæ, ☿ri, ⊕ diat. sacchar. Thom. fel & inspissat. &c. Et cum, *Deckero* teste, alvo astrictâ ut plurimum laborent anginosi, cujus causam in salivam plus justo effluentem rejicit *Helmont. Tr. latex humor negl. §. 20. p. 304.* horum, mitiorum tamen, usus valdè laudabilis erit.

§. XXXIII. An vomitoria commendanda, res altioris indaginis est. Eorum usum approbat *Jos. de Aromat. p. 69.* In angina etiam maligna *Barthol. Tr. de angina puerorum*, quem citat *Hoffmannus quondam noster M. M. p. 107.* insigni nobilitat præconio. In pituitosâ dictâ emetica, licet satis vehementia, svadet *Riverius*, & inter hæc palmam tribuit ▽æ benedictæ, quum sapore nullo ingrato prædita, & facilè pitissando ingeri possit, præterea ad ʒij exhibita mirandâ præstet, & morbum ut plurimum intra duas horas dissolvat, sicut effectum ejus exempla *Cent. II. Obs. 10. pag. 588. & obs. 24. pag. 592. item Cent. IV. Obs. 60. p. 645.* celebrant.

Summè

Summè tamen cautos nos esse jubet inflammationis hinc, ob conatum nimium, augendæ & suffocationis periculum. Unde minùs tuta ea judicant *Sennert. p. 107. Joubert. de thorc. affect. c. 1. Gregor. Horst. decad. 4. probl. med. qvæst. 4. Decker. l. c. p. 151. D. Paul. de Sorbait. p. 730. Hoffmann. c. l. & plures alii.* Nec obstat, quod *Hippocrates* alicubi dicat, se per superiora purgationem adhibuisse; per hoc enim, uti explicat *Desider. Jacot. comm. cit. p. 699.* non intelligit vomitionem, sed gargarismata, cum ipsemet jubeat, ne per locum affectum unquam evacuemus, alioquin futurum, ut imbecillus ad se trahat omnia. Idem inculcat *Galenus 13. M. M. c. 6.*

§. XXXIV. Potius *Repellentia* consideramus, quæ juxta *Sennertum* post primam statim sanguinis missionem in auxilium vocanda ad inflammationis augmentum præcavendum. Id quod ex mente *Nobil. Bohnii in Colleg. cit.* præstant, dum in fibras partium solidarum, recipientium agunt, hasque constringendo & roborando ulterio- rem sanguinis appulsam retardant, eumque ad vicinas & laterales, arterias deflectunt, ut modicum ejus, quod actu inhæret aut accedit, à venis commodius absorberi queat. Hæc ipsa verò solum intus in faucibus, quod §. 23. monitum, non extra applicanda, ne humorum repulsio ad interiora & fauces versus cum maximo periculo fiat; unde & cautè cum illis mercandum, & rarissimè solis repellentibus, nisi cum imminet inflammatio, aut ea primùm incepit, utendum. Sicut nec eò casu astringentia talia conveniunt, ubi à rebus acutis gulæ infixis maium hoc ortum. *Gargarismatum* forma hæc commodissima, quorum loco in infantibus, qui modum hæc adhibendi ignorant, *linctibus* opus est. Suspecta quidem videri possunt, quod gargarifando partes inflammata commoventur, quæ quiete indigent, sed hoc incommodum faciliè evitari potest, si juxta præceptum *Riverii*, gargarismata in ore detineantur resupino corpore citra ullam agitationem, ut partem affectam tantum attingant. Cavendum insuper, ne ingredientia ob acrimoniam fauces lædant, vel ingrato nimis sapore nauseam & vomitum cum ægri damno creent. *Galenus 6. de compos. med. sec. loc. c. 1.* quatuor proponit remedia, quorum primum & mitissimum ex musto, alterum fortius ex moris, tertium paulò fortius ex rubi moris, ultimum fortissimum ex corticibus nucum viridibus parat, addendo singulis corrigentis locò mel. Horum compositionem & præparationem

tionem fusè ex eo describit *Sennertus p. 108.* Hodiè ex variis ingredientibus conficiuntur gargarismata talia, prout mitiora aut fortiora desiderantur. Illa constituunt ∇ æ plantag. prunell. uvular. fol. quercus, salicis, rosar. similesque refrigerantes, quibus additur succus quidam acidus, granator. citri, vel \ddagger rosac. it. syrup. granator. myrtillor. de rosis ficcis &c. & tantillum Φ i, vel communiter cum Δ e depurati, quod lapidis & Θ is prunellæ nomine venit, vel elegantius cum Θ *aco, quod Φ m*cale audit, cujusque præparandi modum concinniorum tradit *Excell. Wedelius Ann. II. Ephem. Germ. Obs. 96. p. 297.* vel δ iati aut Φ lati *Mynsichti*, cujus etiam Φ otus & Trochisci de Φ o in hoc affectu ab ipso valdè extolluntur; sicut ratione Φ ri pulvis pyrius quoque conducit, militum euporiston, vid. *Minderer. l. c. & Höfer. in Hercul. Med. lib. 1. c. 12. p. 91.* Fortiora paulò sunt, quæ ex decoctis dictarum herbarum, cum cortic. granat. balauft. nuc. cupress. flor. rosar. rubr. myrtill. exsiccat. & similibus parantur, addendo succos & syr. nominatos, it. rob. dianuc. diamor. myrtillor. Φ m variè præparatum & Θ . Validiora sunt gallæ, sumach, hypocist. &c. hinc modicè saltem, ubi opus, reliquis addenda, non sola in usum vocanda. Gargarismum in angina desperata proficuum ex fol. semperviv. rec. cum Θ *co Ω atis commendat *Fr. Hoffmann. in Clave Pharm. Schröd. p. 549.* ubi & ∇ m Ω tam sedi & Syrupum ex succo ejus laudat. *Forestus* singulariter extollit Gargarismum ex lactis caprini & ∇ æ plantag. part. æqual. quò remediò, utut vulgari, ad miraculum se anginam curasse testatur *lib. 1. de febr. obs. 17.* Sic etiam *Rulandus* unico sæpè gargarismate eam profligavit; vid. *Cent. II. Curat. Empir. 9. & Cent. X. curat. 55.* ~us acidus Δ is, Θ is aut Φ li ∇ â appropriata temperatos pro inflammatione compescenda sensim sorbere jubet *Riverius*. Pulveres repellentes ex fol. plantag. rosar. rubris & similibus fistulâ interdum insufflari ex *Platero* novimus. Linctus verò ex succis & syrup. nominatis aliisque fiunt.

§. XXXV. Nec *Derivantia* negligenda sunt, quæ in operandi modo cum revellentibus conveniunt, in eo saltem differentia, quod hæc in remotiori, illa in vicina magis parte administrantur, & postquam revellentia præmissa sunt. Alterò ut plurimum die celebratur, si tamen necessitas lege carens urget, etiam eodem cum *Tralliano* fieri potest, derivatio. Hujus gratiâ frontis venam aperit *Archigenes*, alii eam,

eam, quæ in cervice, alii venas narium, alias alii. Olim celebres fue-
re venarum jugularium sectiones, de qua operatione latè agit *M. Aur.
Severin.* ejus usum tum aliis, tum propriis experimentis confirmans,
tr. cit. p. 51. & seqq. Eandem approbat *Riverius in Praxi Tralliani & Za-
cuti Lusitani Observationibus.* *Renatus Moreau* experientiam suam in
Epist. aliquoties cit. adducit, dum centies jugulares aperiendas se cu-
rasse asserit, non tantum innoxie, sed etiam feliciter; nec operose ma-
gis aut periculose eas secari, quam ceteras venas. Quum verò no-
stris temporibus remedium hoc minus usitatum sit, his præsertim in
locis, venas lingvæ, *caninas* dictas, ab omnibus ferè Autoribus hunc
in finem commendatas, aliis præferimus; de quarum usu in morbo
castrensi, cui anginam frequentissime copulari suprâ docuimus, locus
elegans exstat apud *Excellent. Ammannum in Paranesi p. 317.* Quibus-
cunque, inquit, militibus, qui ex Turcica expeditione anno 1664.
redibant, in Nosocomio venæ sublinguales secabantur, liberaban-
tur à morbo Castrensi, quibus ob neglectum tempus non aperi-
bantur, ex delirio Ungarico moriebantur. Huc etiam collimant cu-
curbitulæ sub mento scarificatæ, quibus mulierem anginâ caninâ la-
borantem, curatam fuisse refert *Zacut. Lusit. in Observat.* Curam verò
Benivenii, qui scarificationibus sub maxillis & supra collum plagis
altioribus inflictis, aliquem prognostico relictum liberavit, ex eò de-
scripsit *Sennert. p. 118.*

§. XXXVI. Non verò hisce res absolvitur omnis; sicut enim
ex Practicorum monito sola repellentia vix unquam tuta sunt, sed in
principio etiam de *discutientibus* aliquid addendum, ita in progressu
hæc magis adhibenda, itidem verò non sola, sed adstringentibus, in
minori licet dosi, admixtis, in quo curationem anginæ ab aliarum
partium inflammationibus differre docent iidem, & rationes affert
Sennertus p. 112. An verò materia extra arterias ad poros partium,
effusa & stagnans horum ope in vapores resolvatur, ut nonnulli pu-
tant, & sic insensibiliter per poros discutiatur, ex eo dubium reddi-
tur, quod sanguis & lympa integra in vaporem vix resolvi que-
ant, sed caput mortuum crassius atque haud diffabile post se relin-
quant, unde probabilius censet *Celeb. Bobnius*, discutientia ejusmo-
di humores extravasatos & aliquantum incrassatos ita attenuare,
ac fluiditatem pristinam ipsis reconciliare, ut à vasis capillaribus,
quæ

, quæ ob crassitiem antea subire nequiverant , resorberi iterum &
 „ abduci possint, *vid. Colleg. ejus cit. ubi plura.* In angina pituitosa medi-
 camenta viscosa, acria ac volatilia conveniunt, quorū beneficio mate-
 ria illa viscida stagnans & obstruens inciditur, attenuatur ac liquidior
 redditur, quō facto obstructions hinc factæ tolluntur, ac æger à mor-
 bo liber evadit ; quō nomine apophlegmatizanta laudat *Decker. l. c.*
p. 114. Sic gargarismate ex solo *✓* confecto , inque angina omnis-
 que gutturis inflammationis initio adhibito , dictos affectus intra tri-
 um horarum spacium se curasse testatur *Jo. Waleus in M. M. pag. 112.*
 quem locum citat jam laudatus *Decker. p. 110.* ubi ejus usum exemplō
 columellæ inflammatae maximeque tumefactæ , hinc curatae , confir-
 mat. Sic ratione sinapi gargarismus à *Sculteto in Obs. §. 26. cit.* descri-
 ptus & ab eo in omnibus periculosis anginarum speciebus , cum ad-
 huc in principio augmenti fuerint, maximè commendatus, conducit;
 sicut ob majorem sinapi quantitatem gargarisma *Riverii Cent. IV. Obs.*
76. p. 648. potentius priori resolvere idem *Scultetus* scribit. Nec par-
 vi faciendum decoctum illud *Deckeri* , quod & suffiendi , & gargari-
 fandi fine præscribit , & in angina , omnibus frustra adhibitis , singu-
 lare experimentum est, ut, etsi jamjam suffocatos judicares , usurpato
 eodem brevi levamen sentiant anginosi. *Vid. eundem l. c. p. 47.* Aliàs
 talia gargarismata constituunt herbæ hyssop. rorismar. organ. (*Jaco-*
bæam, quam *Camerarius* laudat, ob ingratum & propemodum nauseabundum
 saporem heic exulare jubet *S. Pauli in Q. B. Class. III. p. 352.*)
 beton. thymi, puleg. calaminth. &c. fl. melilot. chamæm. sem. lini, fœni-
 græc. alth. rad. liqvirit. dactyli, passulæ min. caricæ pingves & similia,
 in quorum decoctis solvuntur mel rosat. oxymel simpl. syrup. dia-
 mor. dianuc. &c. pro majori discussione in statu additur crocus &
 myrrha , & in declinatione nonnihil de cineribus hirund. vel harum
 nido aut albo græco &c. quæ specificè prodesse creduntur, cum res-
 ctu *Θis* & *Μρι*, quō pollent, potius resolvendo & discutiendo agant.
 Sic commendandi veniunt gargarismi de althæa, de glycyrrhiza, & de
 cortic. granat. *Mynsichti*, uti & formulis ejusmodi ac aliis heic occur-
 rentibus *Sennerti*, *Plateri* , *Grülingii* aliorumque Libri Practici refer-
 ti sunt. In *prunella* autem *alba* non sola gargarismata sufficiunt, sed si-
 mul *manuum opera* requiritur , ut mediante instrumento commodè
 fauces à viscosa illa ac glutinosa materia repurgentur ; *vid. Minderer*

l. c. Sic etiam *Hippocrat. lib. II. de morb.* præcipit, ut sputum, si fortean ob viscositatem excerni nequeat, myrti furculo tenello, molli lanâ convoluto, ex faucibus educatur. *Suffituum* forma *Sennerto* aliisque non arridet, quoniam omnia in fumum resoluta & ore excepta faucibus inimica sint, easque exasperare soleant ac suffocationem augere: in angina tamen pituitosâ, in Belgio admodum familiari, nî majori angustia premantur fauces, cum *Jouberto cap. 1. de thorac. morb.* suffimenta adhibet *Deckerus l. c. p. 62.* cujus decoctum, hac quoque ratione usurpandum, paulò antè laudavimus. Ex iis autem confecta sint, quæ vi aromatica & volatili incidere valent & liquidiorē reddere pituitam viscidam ac tenacem, & obstructions hinc productas solvere. Sic suffitum ad anginam ex *Hippocr. l. c.* describit *M. Aurel. Severin. Tr. alleg. p. 185.* & *Aëtius*, eodem teste, *lib. II. serm. 4. c. 47.* horum beneficiō cynanchen curavit. Sicut etiam inter specifica suffitum succini per infundibulum exceptum recenset *Sebiz. in Manual. Med. p. 532.* cujus usum in tonsillarum inflammatione exemplo comprobatur *Ruland. Cent. II. curat. 97.* *Errhina* verò & *ptarmica* in dicta anginae specie improbat laudatus *Decker. l. c. p. 30.* eò quòd non nisi inflammatio, fluxio, tumor, dolor & per consequens febris symptomata ab illis augeatur, imprimis, ubi rheuma non constiterit, ut citatò loco *Joubertus* testatur, qui tamen in tonsillis inflammatis, ubi jam constitit rheuma, apprimè *errhina* convenire docet *cap. 2. de thorac. affect.*

§. XXXVII. Quoniam autem vis conjuncta fortior est, externè quoque resolventia & discutientia adhibenda, quæ communiter, *linimentorum & cataplasmatum*, rariùs paulò *emplastrorum* formâ præscribuntur. Illa fiunt ex oleis infusis violar. amygdal. dulc. rosar. (linimento namque ex tribus his parato sanguinem ex vulnere thoracis periculoso in musculorum spatia effusum, ad miraculum ferè discussum fuisse novi) lil. alb. chamom. à *S. Pauli in Q. B. pag. 254.* laudato, it. pingvedinibus variis & mucilaginibus, quibus interdum adduntur stercorea animalium, quæ in eò conveniunt, quod ratione

Θ is ∅ si, quò gaudent, discutiant. *Cataplasmata* autem ex fol. malv. violar. flor. chamom. melilot. rad. lilior. alb. alth. farinis semin. lini fœni græc. fabar. cum nido hirund. vel stercore. ad mollitiem coctis constant, addendo prædicta olea, pingvedines, mucilagines, cro-

cum, aliaque validiora, juxta Medici prudentiam varianda. Præp-
 mis cataplasmata & emplastra à *nido hirundin.* denominata celebria,
 qvalia sunt *Sennerti* & *D. Pauli Lutheri* apud eundem, *Mynsichti*,
Michaëlis, *Sylvii*, *Deckeri*, *Joëlis*, aliorumque. Sic etiam nidum hiru-
 dinum in $\frac{1}{2}$ to decoctum & cataplasmatiss formâ collo adaptatum,
 commendat *Ruland. Cent. VII. cur. 92.* Notandum verò, quod *exter-*
na hæc omnia *calidè* applicanda sint, ne frigiditate suâ repellant, hinc-
 que magis noceant: uti & *gargarismata* ex monito *Mynsichti* semper
 exhibenda sunt *tepida.*

§. XXXVIII. Qvòd si verò dictis remediis dissolvi digeri-
 nequeat materia contumax, sed ad *suppurationem* tendat, qvòd ex do-
 lore aliisque accidentibus auctis clarum fit, puris generatio omnibus
 modis acceleranda, id qvòd *maturantibus* & *ἐκπυρρῶσις* intus foris-
 que adhibitis perficitur. Sic ob vim leniendi & maturandi cassiæ extra-
 ctum seu medullam in ore detentam laudant, ut sensim liqvescens de-
 glutiat. Gargarismatibus ex decoct. rad. alth. lil. alb. fl. malv. sca-
 biof. (qvæ inde Germanis dicitur *Apostem Kraut*) sem. lini, cydo-
 nior. caricar. pingvium, jujub. ficuum, dactylor. & similium, cum
 ∇ â simpl. vel hydromelite paratis, in quibus sub finem uncia una vel
 altera sapæ solutæ, freqventes fiant oris collutiones, & simul extrâ
 applicentur cataplasmata ex enumeratis §. *præced.* speciebus, adden-
 do rad. irid. aut bryon. rec. mors. diaboli seu succisæ, qvæ specificum
 creditur, cepas sub cineribus coctas, fermentum, Φ m, cineres hirund.
 album græcum &c. Puls ex farina semin. lini cum lacte caprino
 facta & cataplasmatiss instar adhibita, *Plateri* testimonio plurimum
 juvat.

§. XXXIX. Si jam ex symptomatum remissione aliisque signis
 innotescat, suppurationem esse factam, non est procrastinanda *puris*
eductio, cum illud morâ sua reddatur acrius, ideoque noxium magis.
 Hinc qvando suâ sponte non rumpitur abscessus, ejus apertio variis
 mediis tentanda, qvæ latè ab Autoribus nominatis adducuntur. Ci-
 nerem noctuæ integræ nec deplumatæ in guttur immissum apostema
 anginx mirabiliter aperire scribit *Schröder. lib. V. Pharmac. Medico-*
Chym. p. 321. *Galenus* aliquando stercus pueri exsiccatum cum melle
 commistum faucibus cujusdam anginosi illévit, unde intra horæ spa-
 tium ruptus tumor, & ipse præmii locò 100. aureos reportavit, ac insuper
 pro

pro revelatione hujus remedii 200. aurei promissi sunt; referente id Fr. Joël in *Praxi* p. 258. Idem Cataplasmate ex flor. chamomill. cum ✕ to & ∞ parato & extra applicatō, effecit *Ruland. Cent. IV. Curat. 56.* Sunt qvi *emeti*corum ope id obtinere tentant. Sic citatus *Rulandus* fœminæ anginosæ vomitorium ex ∇æ bened. & ∇æ muls. ana. ʒj. propinavit, ex quo apostema ruptum; *Cent. II. cur. 62.* Hunc imitatus est *Riverius Cent. IV. Obs. 60. p. 645.* dum alicui exhiberi jussit, ∇æ bened. ʒij. in cujus operatione abscessus in faucibus latens, qvi totum œsophagi orificium obturarat, disruptus est; hinc pure rejecto æger convaluit. Hanc curam tamen temerariam vocat *Hoffmann. in M.M. p. 108.* Ex decocto *Deckeri* §. 36. laudato, abscessum post paucas horas ruptum esse, exemplo qvodam ipse testatur *pag. 63.* Alii ∞ vel ~u Oli abscessum attingunt, unde plerumque rumpitur ille. Feliciter id in qvodam desperato anginoso præstitit laudatus *Sorbait*, dum extremitate candelæ cereæ in ~m Oli tinctæ tumorem attingit; vid. *Med. Pract. p. 731.* *Rulandus* ∞ Oli instillat ∇æ fontanæ vel vino albo, & gargarismi formâ adhibet, *Cent. IV. Curat. 34. & Cent. VI. curat. 82.* *Excellentiss. Dn. D. Præses* commendat Spiritum Oli, cui baculus subtilis in cuspide instar penicilli paratus intingitur, eoqve locus affectus attingitur, cumqve dolorem exinde percipiant ægroti, statim alio baculo eodem modo formato & in mel rosatum intincto, ulcus tangendum est, idqve sæpe cum fructu adhibitum observavit. Nonnulli solùm candelam ceream ∞ amygdal. dulc. illitam œsophago immittunt. Agaricum trochiscatum nobilissimum remedium vocat *l. c. Sorbait*, si vel gargarismis admisceatur, vel ad ʒj. fumatur; sicut & ejus usum *Schenckius* historiâ ex *Douyneto* allatâ, qvam *Riverius* quoqve adducit, confirmat. Si tumor in faucibus conspicuus, qvidam eum instrumento acuto ligneo vel ferreo aperiri jubent. Plura vide apud alios.

§. XL. Dum abscessus rumpitur, cavendum sedulò, ne pus in pulmones aut œsophagum ruat, unde *prono capite* omne id effluere sinat æger, vel exspuat: qvo factō ulcus abstergetur gargarismo ex hydromelite, vel ∇a saccharatâ, vel decocto hordei cum melle rosac. vel lacte cum saccharo &c. qvæ si ob ulceris forditiem non sufficiant, ad fortiora detergentia & putredini resistentia accedendum, usurpando vel gargarisma à *Sennerto* & *Riverio* descriptum, ex fol.

scabios. agrimon. rad. aristol. long. irid. Florent. fl. rosar. rubr. nuc. cupress. & myrrhâ in hydromelite coctis ; vel lacteum *Mynsichti pag. 402.* Post deterfionem hanc *consolidatio* ejus promovenda. Lac chalybeatum commendat *Platerus*, vel cui radix consolid. incocta, aut bolus commixta. *Sennertus* linctum ex bolo armenâ cum melle vel syrupo rosat. it. pulv. ex myrrha, thure, rosis & bolo armen. ordinat. *Rulandus* gargarismate ex ∇ â mulsâ, in qva chalybs aliquoties extinctus, utitur *Cent. II. cur. 62.* it. alio ex decocto herb. plantag. cum radice & fol. quercus parato, cui diamoron additum. *Cent. VI. cur. 81.* Si verò in exterioribus partibus abscessus enatus, more aliorum tractandus ille. Nonnunquam tamen præter expectationem nostram evenit, ut inflammatione remittente tumor nec resolvatur, nec suppuretur, sed potius durior evadat, ubi cataplasmata emollientia & resolventia fortiora requiruntur, quale illud est, quod *River. in Praxi pag. 295.* præscribit.

§. XLI. Nobile adhuc & generosum remedium superest, ad quod in extremo necessitatis casu confugere jubent ejus Patroni, quando scil. præsentaneum suffocationis periculum urget, & metuendum ne antequam materia discutiatur aut suppuretur, æger strangulatione pereat, cum melius sit anceps remedium experiri, quam nullum. Nominatur id communiter *Λαρυγγοτομία*, juxta alios rectius *Βεγγχολομία* vel *Τραχεολομία*; minus convenienter *Φαρυγγολομία*, quum non gulæ, sed asperæ arteriæ incisio sit, loco convenienti & periti Chirurgi manu facta. Operationem hanc ut crudelem nimis ac periculosam, nî prorsus vanam, cum *Aretæo* & *Aureliano* rejiciunt nonnulli, plures tamen eam opprobant. *M. Aurel. Severin.* in sua *effic. Med.* integrum de ea caput habet, *pag. 93. & 94.* ubi varios Autores recenset sententiæ posteriori addictos, eamque exemplis confirmat. *Magnus Barthol. Cent. I. ep. 86. p. 333. Spigelii & Severini* experientias adducit; post verò varia circa illam dubia movet, eorum resolutionem solidam & candidam à *Renato Moreau* expectens, qui idipsum in *seq. Responsoriâ* præstitit, ubi simul testatur, se operationem hanc in Hortulano quodam & milite feliciter exercuisse. Sic *Excell. Dn. D. Præses olim Patavii in Nosocomio à Cel. Marchetti in,* anginoso quodam eam vidit celebratam. Calculo albo etiam no-

tant

tant eam *Roderic. à Fonseca Tom. I. Consult. Med. 22. p. 156. Sebiz. Manual. Med. Pract. p. 531. Nob. Amman. in Paranesi p. 420. D. Paulus de Sorbait. p. 729. Sennert. quæst. 5. p. 126. & alii, ut Veteres, ab his jam adductos, taceam. Operandi modum describunt Renat. Moreau l. c. & ex eo Hornius in Microtechn. p. 127. Fabr. Hildan. in Oper. Chir. Frider. Monav. Tr. pecul. de Bronchotome, Scultetus in Armam. Chir. part. 1. Tab. 34. fig. 1. & seqq. & nuperrimè Lamzweerd in Append. ad Armam. hocce, qui à p. 195. usq. 205. fusè de remedio hoc agit, ejusque usum exemplis aliquot illustrat. Interim cum Operatio ista non minus rara sit, quàm periculosa, ad eam exercendam non facilè deveniendum esse cum citato D. Sorbait. p. 306. judicamus. Caveat imprimis Medicus is, qui famæ suæ curam gerit, ne in nostris regionibus, ubi generosiores ejusmodi Operationes, ceu crudeles, nimis exosæ, & Chirurgorum manus rudiores sunt, proprio ac temerariò ausu illam aggrediatur; Verendum enim, ne, si sinister eventus, ex alio licet casu, superveniat, existimationis suæ jacturam patiatur extremam. Quod si verò æger ipse aut adstantes affines remedium hoc anxie efflagitent, non nisi periculo prius exposito & prognostico munitus, vel aliis simul in consilium adhibitis, ad illud se accingat, ut, si fortean successus non respondeat, à culpa liber vivat, nec calumniis se exponat hominum.*

§. XLII. Non verò solis externis, quæ hætenus prolixè explicata sunt, insistendum, sed interna etiam conjungenda: inter quæ omnem ferè paginam absolvunt *diaphoretica & sudorifera* varia, cum *bezoardicis*, si malignitatis suspicio adsit, commixta, quorum agendi modum jam §. 23. brevibus innuimus, & fusius delineant *Sylv. I. Prax. c. 40. §. 35. seq. p. 689.* ut & *Decker in Exerc. suis p. 54.* Potiora ex *triplici Regno* desumpta sunt dent. equi mar. mandib. lucii pisc. oculi ☿, ebur & C. C. f. Δe, corall. & margar. orient. ppt. MPerlar. unicornu verum & fossile, lap. bezoar orient. & occid. os de corde cervi, pulv. res bezoardici varii, ☿ diaphoret. bezoardicum minerale simplex, & composita cum ☉, ☽, ♃ & c. pulv. pannon. rub. ☿ nativ. & ☿ij, specif. cephal. D. Michael. M. S. & Ræ bezoard. variæ, Liqueur & Ræ diaphoret. *Mynsichti* ab ipso in hoc affectu laudata, ~ theriacal. simpl. & camphorat. ☿ & C. B. scordii, scabios. scorzoner. sambuc. & innumera alia ab Autoribus memorata.

§. XLIII. *Diuretica* etiam illa, quæ ☐am movent, & cum fe-
 rosis superfluitatibus simul materiam morbificam, si natura eam per-
 vias has excludere intendit, aut morbi reliquias eliminant, heic lo-
 cum merentur; qualia sunt ~ ☉is & ☉li acidi vel dulcificati aut
 cum ☐a appropriata temperati, quos supra §. 34. ex *Riverio* laudavi-
 mus; quod etiam spectat ~ ☉is tantillo ☉is ☐ri infractus & torna-
 ☉is coloratus, qui nonnullis, teste *Excellent. Ludovici in Dissert. Phar-*
mac. I. p. 454. speciali Ræ aperitivæ nomine venit, it. ex ☉o & ☐o
 præparata varia, ☉diat. lapis prunellæ, ☐ ☉tus *Mynsichti*, ~ ☉i dul-
 cis, ☐i rectificat. clyffus ☉ij ☐atus & ☐eus; similiaque.

§. XLIV. Semper autem in morbis simul attendendum ad ce-
 tera *accidentia*, iisque, si mali quid inde metuatur, maturè succur-
 rendum. Sic *febri*, seu primaria sit illa seu symptomatice, obviam-
 itur tum sudoriferis & bezoardicis §. 42. enumeratis, tum alterantibus
 & confortantibus, ex ☐is ☐atis borrag. bugloss. rosar. cerasor. nigr.
 cort. aurant. namphæ, typharum & de corde cervi, cordial. H. S. ci-
 nam. simpl. & borragin. lil. convall. &c. pulv. cordial. spec. diamar-
 gar. & de gemmis frig. magister. cordial. perlar. corallor. confect. Al-
 kermes, ~ rosar. rubi idæi, eff. ambrae, R fl. 4. cordial. &c. de qui-
 bus ex professo in doctrina febrium agitur. Celebris etiam pulvis
Canischiensis dictus, qui ex lap. prunell. p. jv. Zingiber. p. ij. & cinam.
 p. j. constat, & in morbo Hungarico specificè extollitur. Ex iisdem
 ingredientibus constat secretum illud Antifebrile (ipsi Panacæa di-
 ctum) eremitæ cujusdam in magna Polonia, cujus beneficio singula-
 ria præstitit; vid. *Fascicul. medicam. sing. Ann. VI. & VII. Ephem. Germ.*
annex. p. 169. Dolor si excruciat in *faucibus*, is internè gargarismate
 vel ex solo lacte tepido, ubi caprinum quidam præferunt, vel in quo
 rad. liquirit. jujub. passul. & alia lenientia cocta, mitigandus; exter-
 nè autem linimento ex ☉o amygdal. dulc. violar. &c. si *cardiacus* est,
 præcipitantibus corrigendus, ubi laudandus venit pulvis ☐tans *Ex-*
cell. Wedelii ex conchis, lap. ☉. cum pulv. bezoard. ol. caryophyll. &
 opio parum, descriptus in *Opiolog. p. 115.* *Lingva arida & fissa* demul-
 cenda iis, quæ substantialiter humectant, qualia in specie sunt muc-
 laginosa, v. g. mucilago sem. psyllij, cydonior. althææ, cum ☐a cor-
 tic. nuc. semperviv. plantag. &c. extracta, addito ☉o ☉iat. aut simi-
 li, it. rob diamoron, Syr. violar. &c. Nec inutilis erit gargarismus de
 auricu-

auricula Judæ *Mynsichti*. *Mindererus* lardum recens non salitum lingvæ impositum, vel butyrum recens, cui loco Θ is communis Ω m præparatum immistum, ei inunctum, inter alia communia euporista commendat: *Lentore* autem albo obducta beneficio instrumenti ab eo liberanda, de quo §. 36. *Sitim* fallunt tum julapia suavissima, qualia, *Sylvius lib. I. Prax. c. 1. §. 12.* & alibi ordinat, tum lapis prunellæ, Trochisci de Ω o *Mynsichti*, rotul. refrigerantes ejusdem, & similes in ore dententi. In virium debilitate epithemata cordi & pulsibus unà cum sacculis confortantibus imponuntur. Reliquis ex propriis fontibus succurrimus; omnia enim heïc adducere, dum brevitati studemus, non licet.

§. XLV. His coronidis loco adnectere placet catalogum eorum, quæ singulari quadam, occulta & specificâ vi anginæ mederi creduntur, quamvis multa ex manifestis id agant causis, & à *Sennerto*, *Sebizio*, *Hoffmanno*, aliisque recensentur. Sic cineres hirundinum, cancrorum, cochlearum, cuniculi, noctuæ &c. insufflati, aut melle excepti & illiti ob vim abstergendi, & discutiendi, quam à Θ e habent, profunt; sicut eadem ratione pulvis millepedum seu asellorum, à *Magno Rolfincio in Epitome* allegatus, conducit. Stercora animalium exsiccata, ut hirundin. (cujus respectu nides harum confert, vid. *Sennert. quest. 4.*) columbar. anserum, canum, gallinar. &c. ob Θ Ω sum in iis delitescens valent. Imprimis stercus album ex albo cane eligit *Hoffmannus noster*, quod canes isti melioris sint conditionis, & in albo stercore Θ abstergens, discutiens, aperiens, resolvens volatile contineatur, quòd in diebus canicularibus, cum canum natura tunc exaltetur, penetrantius & subtilius evadat; vid. *Clavem cit. p. 647.* Rasura dent. castorei in ∇ âscabios. propinata, apri cum \circ amygd. dulc. & saccharo canto exhibita, arcani loco habentur. Rubetam coctam & pro emplastro impositam adeò anginosi prodesse scribit *Cardanus lib. 7. de variet. rerum c. 26.* ut etiam quendam jamjam moriturum hoc auxilio liberarit. Quò spectat Emplastrum magneticum *Excell. D. Andr. Knöfelii*, teste *Fr. Hoffmanno in M.M. p. 306.* ex bufone siccato & succino, in *Tr. Method. Med. febr. malign. p. 109.* & in *fascicul. medicam. singular. Ann. VI. & VII. Ephém. German. annexo p. 33.* descriptum. Bufō enim similitudine substantiæ fermentum malignum & venenatum extrahere dicitur. Fungus sambucinus coctus & bibitus

bibitus vel foris etiam impositus laudatur. Secretum *Guntzmanni* apud *Hartmann. in Praxi* ex succo ☿, semperviv. & ☿*co paratur. Exuvias serpentis in ☉ amygd. dulc. coctas prædicant, si linteam oleo illi intinctum collo circumponatur. Sed an vis illa ab exuviis, an ab oleo potius arcessenda sit, alii determinent. Sic etiam amuletorum loco quædam commendantur, e. g. filum, quò rubeta suspensa interiit, à *Cardano l. c.* it. agni lana cum corio collo appensa ab *Hoffmanno in Clave p. 641.* De filo purpureo, quò vipera strangulata est, ejusque usu, lectu dignissima habet *Illustris Barthol. Cent. IV. hist. anat. 73. p. 379. & seqq.* ubi varias hujus effectus causas & curiosa plurima adducit. Aliqui caput viperæ collo appendunt. *D. Paulus de Sorbait* cum Catholicis nullam his amuletis fidem adhibet, sed potius ad candelam *S. Blasii* collo applicatam, velut amuletum spirituale, patientes confugere jubet, in *Med. Pr. p. 731.* num rectius, cordatiores judicent. An autem veri quid subsit, quod pullus hirundinum comestus per totum annum ab angina præservet, de quo *Celsus lib. IV. c. 4.* eademque virtute gaudeat lignum hederæ, adeò, ut qui cochleari & poculo ex eo factis utatur, nunquam aut rarò in apostema gutturis aut uvulæ incidat; item quod singulariter conferat lupi guttur seu aspera arteria, si anginâ affectus per eam bibat, aliis experiendum relinquimus.

§. XLVI. Interea dum hæc à Medico prudenti peraguntur, æger & adstantes, ex monito *Hippocr. sect. 1. aph. 1.* officio suo ritè fungi debent, ne excessu quodam in sex rebus non-naturalibus commisso, in curationis opere turbetur natura, ejusque minister Medicus. Hinc aërem eligat purum & temperatum patiens, vitando eum, qui fauces exasperare aut aliò modò lædere potest. Ex *Jouberti* mente „angina aërem sibi postulat frigidiorē, quia, cū multoties inspi-
„rari non possit, parcior necessitati abundè satisfactorius est, qui, dum
„loca inflammatione obsessa permeat, egelidus sit; *cap. 1. de thorac.*
„affect. Etsi enim febris, quæ interdum conjuncta, frigidiusculum
„non admittat aërem, præstat tamen locum non calefieri, ubi æger
„jacet, & ipsum idcirco melius tegere convenerit, ut utrique inten-
„tioni satisfiat, monente idipsum *Höfero l. c. p. 94.* Victu utatur tenui, qualis est cremor ptisanæ, brodium carniū & juscula pullor. gallin. capon. & similia confortantia, *Krafftbrühen / oya sorbilia,*
quin

quin & carnes pullor. gallinac. si appetantur, concedi possunt. Non verò aromatibus nimis condita sint; sed potius alteranda juscula refrigerantibus, fol. lactuc. acetos. succo citri rec. &c. *Potus* sit juscula avenacea, ☐a mulsa, decoct. hordei per se aut cum liquirit. passul. edulcat. ut & cerevisia tenuis, cui Ræ cordiales & refrigerantes instillari possunt. Vinum, imprimis generosius, exulet. Nonnunquam tamen evenit, ut deglutitio extremè læsa sit, ut nec solida nec liquida assumere possit æger, quò in casu catheterem, cui syringa adaptata, in œsophagum immittendum cum aliis svadet *Riverius*, ut h. m. juscula & alia remedia in ventriculum demittantur, id quod in quodam anginâ verâ correptò felici cum successu idem præstitit *Cent. III. obs. 72. p. 626*. Dubitant verò nonnulli, an tutò ejusmodi cannula faucibus inflammatis indi possit, unde cum cautela hac admittunt, si ad partem hanc non pertingat inflammatio: verendum enim, ne ex irritatione major noxa oriatur. Hinc ad periculum hoc evitandum aliud commendant instrumentum; sc. vesicam bubulam ad modum clysterum alligant fistulæ, eamque succo nutriente implent. Fistulam hanc non gulæ immittunt, sed ejus extremitatem solum initio gulæ apponunt, pòst cum impetu comprimunt vesicam, ut sic liquor profiliens per œsophagum ad ventriculum detrudatur; quò ipso remedio desperatos quosdam ex fame restitutos vidit *Capivaccius*. Non omne tamen suffocationis hinc metuendæ periculum heïc quoq; videtur abesse. Alii demum confugiunt ad *Clysteres nutrientes*, de quibus maxima controversia inter Autores agitur, dum quidam cum *Helmontio* omnem nutritionem illis denegant, qui in specie *Tr. de febr. c. 7. §. 16. & seq.* pro more suo nimis licentiosè in eorum defensores debacchatur; plures verò aliqualem nutriendi vim attribuunt. Utrorumque rationes adducere & examinare nimis longum foret, unde hujus rei cupidos ad *Roder. à Fonseca Consult. cit. Jul. Cæs. Claudin. de ingressu ad infirmos p. 327. D. Paul. de Sorbait p. 730. Mynsicht. in Armam. p. 427. Regner. de Gräff in Tr. de clyster. p. 191. Sennert. in institut. Med. pag. 1231. Decker. in Exerc. p. 390. & seqq. Hoffmann. in M. M. p. 125. Riverium in Praxi*, aliosque, qui argumentum hoc in scriptis suis tractant, remittimus. Sufficit nobis, non citra singulare ægrorum commodum, docente experientia, illos sæpius fuisse infusos, dum præter refectionem virium, quam inde sentiunt ægri, omnesque concedere coguntur, ad

sustentationem quoque faciunt, sicut exemplo cujusdam monialis probat laudatus *Fonseca*, quæ, cum deglutire non posset, horum beneficio ad nonum usque diem in vita servata est. Parantur communiter ex illis, quæ citra præviam difficiliorem concoctionem in nutrimentum cedere possunt, ut sunt jura carniū, caponū, pullor. gal-
lin. cremor hordei & ptisanæ cum lacte & vino, vitellisquæ ovorum; sicut formulæ tales apud Autores nominatos prostant. Notandum verò, ante horum injectionem intestina *clystere* quodam *emolliente* & *laxante* à sordibus nonnihil eluenda esse. Sic etiam odores carniū affatar. vel panis calidi, ad viriū conservationem aliquid conferre, exemplo *Democriti* constat, de quo *Diog. Laertius lib. IX.* refert, quòd foror ejus, ne in Cereris festo moreretur, eum adhuc per triduum odore panis calidi sustinuerit.

§. XLVII. *Somnum* ut in aliis inflammationibus internis, ita & in Angina fugiendum monent Autores, præprimis si respirationis læsio gravior adsit; dum enim in somno sanguis magis intro repit, suffocationis periculum timendum, si illi indulgeat patiens. Hinc *Amat. Lusitan. cent. I. curat. 40.* consuluit anginoso cuidam, ut parum dormiret, quò ipso à morbo liber evasit; *vid. Nobil. D. Schneider. Tr. de morb. capit. lib. I. c. 4. p. 28. River. in Praxi, Hoffmann. in M. M. aliosquæ.* Talem corporis positum observet æger, à quo se levare persentiscit. *Quies* vigente morbo svadenda, imprimis *silentium*, ne loquacitate faucibus afflictis majorem addat afflictionem. *Joubert. l. c.* in principio quietem tam necessariam esse asserit, ut, dum fluxus humorum fit, ne linguam quidem vel movendo, vel loquendo, vel masticando, quis commoveat, imò neque gargarizando gutturis & faucium partes exagitet; citante *Höfero locò alleg. p. 92.* Sunt tamen, qui in declinatione ad apostematis ruptionem *vociferationem* commendant. *Alvum* apertam esse in omni morbo bonum, effato *Senis* nostri; unde quum officii sui non rarò heic immemor esse soleat, suppositorio vel clystere laxante admonenda, de quo §. 32. etiam monitum. Ab omnibus tandem *affectibus* animum, quantum possibile, liberum gerat, ut nec ira excandescat, nec mœrore aut tristitia se magis angat; sed potius morbum immissum patienter toleret, non dubitans, quin, Deo curæ benedicente, exoptatus ejus subsequatur sit.

F I N I S.

MONITI MELIORA!



Uàm multi subito periêre, An-
gina, saluti
est, BECKERE, Tibi: stran-
gulat illa alios,
ast mediante ipsâ meliùs spiras ad ho-
nores.

Sic mala quæ multis, sunt bona,
sint quæ Tibi.

Gratulab. de prop.

PRÆSES.

Viderat eximios ausus cum Lipside Jena,
non unâ vice publicitus mirata profectus;
ingenii vires huic matri utrique probatæ.
Ergò adeò Phœbus merito signare brabéo
tam doctum iussit caput & sociare medentum
Doctorum lateri. Laudes ipse undulat æquus
Sala pater, plaususque suos conjungere gestit.
Vade bonis avibus, stratoque insiste decori;
Sic nova cottidiè venient tibi pondera honorum!

*Nobil. & Clariss. Dn. BECKERO, Medicinæ
Doctorando dignissimo, novos quos ca-
pessit honores ex animo gratulor, & fa-
ventem Hygeiam exopto*

Georg. V Volffg. V Vedelius, D.

Meta

M*Eta stat : ex merito decreta est
debita palma.*

BECKERO: *Patriæ hanc opto salutiferam!*

Optimè meritos honores Nobilissimi Dni Doctorandi,
Amici singulariter colendi, felicissimos precatur

Augustinus Henr. Faschius, D.
P.P. & Archiater Ducalis Saxonicus.

V*iderat assiduum per regna tricorpora mundi
BECKERUM Medicina suum contendere cursu
improbo, & æternas artis conquirere merces.
Nunc diadema parat, quò cingat tempora docta,
& capiti imponit partam sudore coronam.
Grator: & in Praxi successus comprecor amplos.*

Amico suo conjunctissimo gratulabundus applaudebat

Johannes Ernestus Krausold
Med. Ddus.

F I N I S.

